



醫學史講義

念伍年度下學期

戴達夫先生編輯

第八章

明之醫學

第一節

明之醫學

一 太醫院官職診視分科陞補撥差教授考試懲  
處補愆

明史職官志太醫院院使一人(正五品)院判二人(正六品)  
其屬御醫四人正八品後增至十八人(隆慶五年定設十  
人吏目一人(從九品隆慶五年定設十人)生藥庫惠民藥  
局各大使一人副使一人太醫院掌醫療之法凡醫術各



十三科醫官醫生專科肄業曰大方脈曰婦人曰瘡瘍曰  
針灸曰眼曰口齒曰接骨曰傷寒曰咽喉曰金鏃曰按摩  
曰祝由凡醫家子弟擇師而教之三年五年二試再試三  
試乃黜陟之

凡診視御脈使判御醫參看王府請醫由院奉旨遣官或  
醫士往文武大臣及外國君長有疾亦奉旨往視其治療  
可否俱由院試遣歲終會察其功過而殿最之<sup>後</sup>以憑黜陟  
凡本院醫業分為十三科自御醫以下共醫士醫生各專  
一科隆慶五年奏定御醫吏目共二十員大方脈五員傷  
寒科四員小方脈婦人科各二員口齒咽喉外科正骨痘

疹眼科針灸等七科各一員，醫士醫生各七十餘名。  
凡醫官醫士撥差，隆慶五年奏准，內府書堂等處，准照邊  
關事例，一年一換，邊關差一次，及書堂等處差二次者，俱  
准作三年論。其司禮監三大營等，一体扣算。九年滿日陞  
官。萬曆二年議定，應差員役，遇有九年差撥，先儘內殿考  
出二等醫士，次及二等冠帶醫士，年深者，又次及內殿考  
出三等醫士。如缺少人多，即與換撥。內府書堂等差，候有  
九年差缺，仍與改撥。其餘醫士子弟，新充醫生及新考納  
銀冠帶醫士，只許換撥內書堂及邊關等差。遇有九年差  
缺，俱不准撥。

凡醫家子弟弘治五年奏准查照舊例選入本院推堪任  
教師者二三人教習醫術每季考試三年或五年堂上官  
一員同醫官二員考試通教本科者收充醫士食糧當差  
未通曉者仍令習學一年再試三試不中者黜之五年考  
試成材者由教師奏請量加陞授嘉靖六年奏准考校醫  
士除藝業不通及老疾者俱為民其年狀可進者俱令教  
師教習定其課程一年四考約有成材由禮部會考分別  
等第一等送御藥房供事原係本房者量授職事二等給  
帶冠發回本院辦事原奉例冠帶者共支雜職俸給三等  
照常等差良醫大使有缺於二等三等內考送吏部銓補

在外人役醫業精通者，一俸收考量為取用。十二年議准，本院醫士醫生不分新舊，不許立冗職補教習各色。通令習學本業，按季考試，每年終呈送禮部。委該司會同考授，驗其有無進益。如無進益，量加懲治。甚者停支月糧。其有畏避考校，託故曠役者，一俸究治。三年滿日，通送禮部。督同本院堂上官出題嚴考，分為三等。一等送御藥房供事，二等給興冠帶，三等俱黜。本院當差遇有御醫吏目負缺，將本房一等人員送部再考。擇其術業精通，操履端勤者，御醫於吏目內詮補，吏目於醫士內詮補。遇有良醫大使等項負缺於二等人役內如前考補。補擬職事咨送吏部。



照缺填註。若將非御藥房供事人員，朦混推舉者，聽禮部  
參究。十九年題准，官醫親男弟姪務，各習學本業，候本院  
缺人，呈請禮部收考。如術業不精，照例為民當差，不准替  
役。其餘告補人役一例停止。又題准，習學官醫，照常考校，  
其陞授一節，俟聖濟殿供事人員缺乏，考補二十八年題  
准醫士、醫生三年大考，一等原係醫生者，與充醫士、醫士  
無冠帶者，給與冠帶。原在內殿供事支俸，并冠帶醫士，量  
陞俸一級。倘內殿缺人，該院依照科分，挨次呈部，送入供  
事。二等原係醫生者，與充醫士、醫士無冠帶者，給與冠帶。  
原在內殿者，不准供事。三等俱照舊仍，與二等在院當差。



四等原有冠帶者，不在冠帶支品級俸者，降俸一級支雜  
職俸者，降充冠帶醫士，食糧七年者，降充醫生，祇支月糧  
俱令習學半年，送部再考，果有進益，在照舊支俸，食糧冠  
帶如再不通，各降充醫生，專供該院，判礮之後，其醫籍納  
錢候缺吏目，必經三年大考，一等方准同各差醫士，遇缺  
考補，納銀冠帶醫士，必經三年大考，方准挨次撥差，未經  
三年考過者，不在其內，院習學醫士，并子弟，同該院醫士  
醫生，一作大考，考居一等收充醫士，二等收充醫生，各食  
糧當差，三等四等仍發回原籍當差，永不收考，其餘在京  
差遣，並不願考，及臨考不到人役，俱限半年內補考，如或

再行規避及有起復差回病痊銷假一年以上不送考者服滿差滿感病給假各限滿而故意違一年以上不回院希曷避考者聽禮部參奏降革

凡本院大小官醫俱須將素問難經本草脈經脈訣及本科緊要方書熟讀詳解待各考滿到部及考試之時於內出題令其默寫筆卷如不能通除醫士醫生照前施行外若係考滿官茲回講習半三再考

凡天下府州縣舉到醫士堪任醫官者俱從禮部本院考試仍委該司官一員會考中者送吏部選用不中者茲回原籍為民原保官吏治罪

凡醫丁告補隆慶五年奏准本院人負須近嫡派子孫方  
准行院結勘送院習學三年通候類考考中方准補役如  
嫡派其人或不堪補其親支弟姪人等果係自幼報冊堪  
以作養者亦量准一人一体習學考補其年遠難行及旁  
支遠族不許一概妄告如各科缺役數多本部另行議請  
選取其間有離任回籍等情俱須赴部告明給與定限如  
私自故違期限者查革年遠不明妄行告收者不准萬歷  
九年題准醫丁如一户缺人准令通曉醫業嫡派子孫一  
人補役然必自幼報冊更名在冊或原籍備文起送到部方准  
其行若冊內無名及無起公文者不准至現在供役者僅

許丁男一人習學其餘不得一概告收

二 御藥房

洪武六年置御藥房於內府嘉靖十五年改御藥房為聖濟殿又設御藥庫詔御醫輪值供事凡藥辨其土宜擇其良槁慎其條製而用之四方解納藥品院官收貯生藥庫時其燥濕禮部委官一負稽察之凡診御病會同內臣就內局選藥連名封記藥劑具本開寫葯性証治之法以奏烹調御藥院官其內臣監視每二劑合為一候熟分二器一御醫內臣先嘗一進御仍置歷簿用內印鈐記細載年月緣由以憑考察



凡收受四方進貢及儲蓄上用藥品俱於內府收掌凡天下歲辦藥材俱於出產地方派納永樂以額定五萬五千四百七十四斤成化以來其數漸增至嘉靖初通計二十六萬四千二百二十七斤有零十三年議准歲辦藥材以十分為率九分採辦本色雖遇災傷不許折價其一分折銀解營以備收買用應一七年令俱徵解本色不許折價後題裁一萬五千五百四十一斤零易金箔硃砂屬香等藥今現辦共二十四萬九千五百八十一斤零

凡天下解納藥材俱貯本院生藥庫以御醫一負其大使一負辨驗收放禮部仍委官一負監收至年終照例造冊



二本一留本院備照一送本部查考隆慶四年題准管庫  
官負每年更替一次凡药材如丹砂鹿茸等詔禁止勿進  
凡各監局取計藥料萬歷三年題准俱用印信仍造聖濟  
殿御藥關防一顆給提督太監收管以憑傳取年終仍將  
傳取過藥材等項及餘剩數目造冊送部查考

凡太醫院所用藥餌均由南京禮部收到各地解來生药  
製造計湖廣等布政司兩直隸府州歲解太醫院藥材七  
千二百四十四斤六兩

凡南京各營該用藥餌俱撥醫士隨病供應嘉靖十年議  
准每營各置藥局從南京禮部督同太醫院考選精通藝

業醫士一人在局提調待三年無過給興冠帶九年無過送吏部銓授署吏目仍前提調其各局藥材俱從南京禮部筭行太醫院解羨

第二節

明著名醫學家

一 戴思恭

戴思恭字原礼浦江人以字行受學於義烏朱震亨震上師金華許謙以上接朱子之傳又學醫於宋內侍錢塘羅知悌知悌得之荆山浮屠浮屠則河間劉守真門人也震亨醫學大行時稱為丹溪先生一見思恭愛其才敏盡以醫術傳之思恭遂以醫鳴洪武時徵為御醫有所療治立

效太祖愛重之燕王患癘韓奭音色威也治不效太祖遣思恭往治

問所用葯良是思恭念何以不效乃問王何嗜曰嗜莊芹

思恭曰得之矣投一劑夜暴下視之乃細蝗也晉王末疾

思恭療之愈已再發即卒太祖怒逮治王府諸醫思恭從

容進曰臣嘗奉命視王疾啟王曰疾今即愈但毒在膏肓

即復作不可療也今果然矣諸醫由是免死一妃嗜燒酒

致腹痛治之而瘥思恭曰十年必復發發則難救後果驗

思恭時已老風雨輒免朝太祖得疾少間出御右順門召

諸醫侍疾無狀者悉付獄獨慰思恭曰汝仁義人也事無

預汝毋恐已而駕崩太孫嗣位罪者醫獨擢思恭太醫完

使遼簡王聞太祖語大誓仁義二字賜之肅莊王慶緒王  
成爲贊咏以賜永樂初以年老乞骸骨奏四上乃許三年  
夏遣使者徵入免其拜特召乃進見其冬復告歸遣官護  
送黃金幣踰月而卒年八十三歲遣行人致祭所著有証  
治要訣証治類元類証用葯總若干卷皆隱括丹溪之書  
爲之又訂正丹溪金匱鈎元三卷間附以己意人謂其無  
愧其師云

宋濂集醫之爲道至矣故周官有疾醫視萬民四時之病  
春之痛首夏之癢疥秋之癰寒冬之咳嗽上氣皆分而治  
之驗其狀而制其祿甚爲不輕也後世官寔失職故於其



術每擇之不精有人於此能合於古者之道豈不猶空谷  
足音之可喜者乎如吾同縣戴原礼氏是已原礼生儒家  
習聞詩礼之訓惓惓有志於澤物乃徒步至烏陽從朱先  
生彥修學醫先生見其穎悟倍常傾心授之原礼自是識  
日廣學日篤出而治疾往往有奇驗予請得而詳道之原  
礼從叔仲章六月患大熱面赤口譫語身蕤紅斑他醫投  
以大承氣湯而熱愈極原礼脉之曰左右手皆浮虛無力  
非真氣也張子和云當解表而勿攻裡此証似之法當汗  
遂用附子乾姜人參白朮為劑烹液冷飲之大汗而愈諸  
醫方氏子婦瘡後多汗呼滕人易衣不至怒形於色遂昏



厥若死狀灌以蘇合香圓而蘇自後聞人步之重鷄犬之  
聲輒厥逆如初原禮曰脉虛甚重取則散是謂汗多亡陽  
正合經意以黃芪人參日補之其驚漸減至決旬而安松  
江朱仲文長夏畏寒身常挾重纒食飲必熱如火方下咽  
微溫則嘔他醫授以胡椒煮伏雌之法日啖鷄者三病愈  
亟原禮曰脉數而大且不弱劉守真云火極似水此之謂  
矣熒發陰經之火鷄能助痰祇以益其病爾以大承氣湯  
下之晝夜行二十餘頓減纒之半復以黃連導痰湯益竹  
瀝飲之竟瘳姑蘇朱子明之婦病長號數十聲暫止復如  
前人以爲厲所憑莫能療原禮曰此藪病也瘳開於上故

火起于下

長號則氣少舒經云火鬱則蕪之是已遂用重劑涌之吐  
痰如膠者無算乃復初樂原忠妻亦蘇人因免乳後病驚  
身翩翩然如升浮雲之上卒目則室廬旋運持身弗定他  
醫飲以補虛治驚皆不驗原礼曰左脉雖芤且澁神色不  
動是因驚致心包絡積汚血耳法宜下之積血如漆者一  
斗即愈留守衛吏陸仲容之內子病熱妄見神鬼手足瞤  
動他醫用黃連清心湯不中原礼視之曰形瘦而色不澤  
乃虛熱耳法當以李杲甘温除大熱之法為治即經所謂  
捐者温之者也服參芪而安他若此者甚衆予備聞賢士  
大夫恒言之今不能悉數也嗚乎有人於此可不謂之合

於古道者乎夫醫之為道本於素問內經其學一壞於開  
元再壞於大觀習俗相仍絕不知究其微旨惟執一定之  
方類刻舟而求劍者人訾之則曰我之用此不足翹足矣  
又何事內經為宋之錢仲陽獨得其秘於遺經而擴充之  
金之張劉李諸家又從而演繹之於是內經之學大明劉  
之學宋先生得之最深大江以南醫之道本於內經寔自  
先生發之原礼乃其高弟其用心也篤故造天理為特精  
其傳受有要故察証無不中亦可謂賢也已矣近來京師  
縉紳家無不敬愛之服其劑者沉疴豁然如洗或欲薦為  
醫官辭不就遂賦詩以餞其東還且請余為序昔者司馬

遷作倉公傳載其應詔所對自齊御史成至公乘項屢凡  
二十有三書治病之狀甚具予倣此義稍陳原禮療疾奇  
中者繫之首簡并告周官疾醫四時治証之槩世之知言  
君子必有所擇焉原禮之從父能軒翁予之同志友也幸  
以予言煩之

震澤紀聞戴原禮浙之金華人為醫得丹溪之傳洪武中  
官太醫院尚書嚴震真病上語元禮曰好治并告周官疾  
醫四時治証之概世之知言君子必有之不愈且抵罪應  
手而愈

金臺紀聞金華戴元禮國初名醫常被召至南京見一醫

家迎求溢戶酬應不聞元禮必深於術者因注目焉按方  
發劑皆無他異退而怪之日往觀焉偶一人求藥者既去  
追而告之曰臨煎時下錫一塊麾之去元禮始大異之念  
無以錫入煎劑法叩之答曰是古方尔元禮求得其書乃  
錫字耳元禮急為正之嗚乎不辨錫錫而醫者世胡可以  
弗謹哉

金華府志戴思恭受業丹溪丹溪一見奇之惡語以瀛洛  
授受之熱及醫藥諸家要旨遂以醫道鳴於時洪武中徵  
入朝將屬以太醫院事原禮以老病辭授階廸功郎職御  
醫永樂初超陞太醫院使既就職以老不任事屢請乞骸



骨許之瀕行諭原禮曰朕復召汝汝其來也既歸也甫旬  
餘以疾卒諭祭於家製文褒獎備至

二 虞搏

虞搏字天民義烏人幼習孝子業博覽羣書能詩章因母  
病攻醫醫道大行求療者不責報尤精於脉理數年前診  
之生死無不驗韓方伯聞其名來聘馳驛往見雅敬重焉  
治病餘叩問醫道搏以節嗜慾戒性氣慎言語謹服食乃  
攝養之要益加禮敬義烏以醫名者代不乏人丹溪之後  
惟搏為最所著有醫學正傳方脉發蒙百字吟半齋稿行  
於世

三 薛鏜 薛已

薛鏜字良武，吳縣人。府學諸生，精醫理，療病甚效。著述頗多，保嬰撮要尤足為後世法。程宏治間徵為太醫院，屢著奇驗。其子已，字新甫，號三齋，性穎異，過目輒成誦，尤殫精方書，於醫術無所不通。正德時選為御醫，擢南京院判。嘉靖間進院使，所著有家居醫錄十六種，醫家多遵守之。

四 盧之頤

盧之頤，浙江人。資性開明，而學有根柢。陰紐陽絡，証辨入微，善療奇疾。凡尸蹶、迴風、投劑，無不中。然負氣陵物，議論踔厲，毀譽殆半焉。所著仲景論、本草乘金圓要、畧論、疏諸

書行於世

五

汪机

汪机字省之祁門人明史方技傳稱吳縣張頤祁門汪机  
杞縣李可大常熟繆希雍皆精通醫術治病多奇中机其  
一也机幼嘗為邑諸生母病嘔遂究心醫學凡岐黃倉扁  
諸遺旨靡不探其肯綮殊証奇疾發無不中名高難致病  
者有聆聲咳頓喜遂瘳所全活甚衆著有石山醫案醫學  
原理本草會編素問抄脉訣刊誤外科理例痘証治辨鍼  
灸問對傷寒選錄運氣易覽等書

六

繆希雍

繆希雍字仲淳常熟人遷居金壇與東林諸先達相友善  
工岐黃術有殊解一折衷於理醫經方書靡不討論尤精  
本草之學謂古三墳之書未經秦火者獨此而已神農本  
經朱字譬之六經也名醫埒刪別錄朱墨錯互譬之註疏  
也本經以經之別錄以緯之作本草經疏本草單方等書  
扶摘軒岐未發之秘為人電目戟鬚如遇羽人劍客好談  
今古事成敗誠奇士也

七 李時珍

李時珍字東璧蘄州人讀書不治經生業獨好醫書醫家  
本草自神農所傳止三百六十五種梁陶宏景所增數亦



如之唐蘇恭增一百一十四種宋劉翰又增一百二十種  
至掌禹錫唐慎微輩先後增補合一千五百五十八種時  
稱大備然品數既煩名稱多雜或一物析為二三或二物  
混為一品時珍病之乃窮搜博採芟煩補闕歷時三十年  
閱書八百餘家稿三易而成本草綱目一書增藥三百七  
十四種釐為一十六部合成五十二卷首標正為綱餘各  
附釋為目正始也次以集解釋疑正誤詳其出產形色也  
又次以氣味主治附方著其作用也書成將上之朝而時  
珍遽卒未幾神宗詔修國史購四方文籍其子建元以父  
遺表及是書來獻天子嘉之命刊行天下自是士大夫家

有其書本草之學始稱集大成時珍官楚王府奉祠正子  
建中四川蓬溪知縣

八 趙獻可 趙貞觀

趙獻可字養葵自號醫巫閭子好學淹貫尤善於易而精  
於醫其醫以養火為主嘗論命門為人身之君養生者既  
不知搏節致戕此火以至於病治病者復不知培養此火  
反用寒涼以賊之安望其生醫貫一書論議甚精俱前人  
未發為醫家指南盛行於世後遊秦晉著述甚多有內經  
抄素問註及經絡考正脈論二本一例諸書子貞觀字如  
葵亦精於醫敦厚有古風治病不論貴賤未嘗計利嘗名

人病夜半自往叩門候其脉証以用藥其篤厚如此亦有  
絳雪丹書痘症論行世

九

王肯堂

王肯堂字宇泰金壇人舉萬曆十七年進士選庶吉士授  
檢討博覽羣籍聲著館閣倭寇朝鮮疏陳十議願假御史  
銜練兵海上疏留中因引疾歸旋遇京察以浮躁論調家  
居久之吏部侍郎楊時喬薦補南京行人司副終福建參  
政肯堂平生無他嗜獨好著書尤精於醫所著証治準繩  
一百二十卷世競傳之其書採摭繁富於寒溫攻補無所  
偏主以視繆希雍之餘派虛寔不問但談石羔之功張介

賓之末流，諺候未施，先定人參之見者，豈可同日而語哉。

十 張介賓

張介賓字會卿，號景岳，山陰人。素性端靜，易事難悅。年十三，隨父至京，學醫於金英，尺得其傳，暇即研窮書史醫法。東垣立齋，喜用熟地，黃人呼為張熟地。越人柔脆而幼，即戕削熟地，專補腎，後輒效，病未極，人多不敢邀，危甚乃始求救，已無及矣。然亦有死中得活者，其持論謂金元以來，河間劉守真立諸病皆屬於火之論，丹溪朱震亨立陽有餘陰不足及陰虛火動之論，後人物守成方，不能審求虛實，寒涼攻伐，動輒遺害，是以力求其偏，謂人之生氣以陽



為生，難得而易失者，惟陽。既失，難復者，亦惟陽。因專以溫補為宗，頗足以糾鹵莽滅裂之弊。所著類經，綜覈百家，刻悉微義，凡數十萬言，歷四十年而成。西安葉秉敬謂之海  
南奇書，又作古方八陣，新方八陣，醫學至介賓而無餘蘊。  
卒年七十有八。

十一

方有執

方有執，字仲行，歙縣人。有執以後漢張杅卒病論初編次於晉王叔和，已有改移及全成無已作註，又多所竄亂。醫者或以為不全之書，置而不習，或沿襲二家之誤，彌失其真。乃竭二十餘年之力，尋求端緒，排比成編，一一推作者

之意為之考訂，故定名為傷寒論條辨，而以本草鈔一卷，或問一卷附綴於末。又以舊家誤症為驚風，多所舛枉，乃歷素問金匱要略傷寒卒病論諸說，為症書一卷，併附於後。有執既沒，其版散佚，江西喻昌遂採掇有執之說，參以己意，作傷寒尚論篇，盛行於世。而有執之書遂微。

十二

李中梓

李中梓字士材，草亭人。少博學，習岐黃術，凡奇症遇無不立愈。所著有士材三書、願生微論、醫統若干卷，宗之者甚多。

十三

吳有性

吳有性字又可號淡淡齋震澤人著瘟疫論是書成於崇禎壬午以四時不正之氣發為溫疫其病與傷寒相似而迥殊古書未能分別乃著論以發明之大抵謂傷寒自毫釐而入中于脈絡從表入裡故其傳經有六自陽至陰以次而深瘟疫自口鼻而入伏于膜原其邪在不表不裡之間其傳變有九或表或裡各自為病有但表而不裡者有表而再表者有但裡而不表者有裡而再裡者有表裡分傳者有表裡分傳而再分傳者有表勝於裡者有先表而後裡者有先裡而後表者其間有與傷寒相反十一事又有箋証種種不同並著論制方一一辨別發前人所未發

足以救方喻程三氏通論舛錯可謂卓越之見矣儀真劉  
敬刻而傳之云其中亦有矯枉過直不能無疑者如云臨  
証悉見瘟疫傷寒百無一二又如達原飲以解初起之邪  
透用峻猛之藥未可尽泥此論可謂不阿其所好也

### 第三節

#### 明代之醫派

吾國醫學流派始於金元白金元蜀張李朱四大家出而  
吾國醫學流派興明承金元餘緒不能出四大家之範圍  
有主養陰者有主溫補者有主攻下者有篤信古人者有  
折衷各說者按明代之醫派可分為五一養陰派者戴原  
禮受學於丹溪而尽得其師傳所著証治要訣証治類元



類証用藥等皆隱括丹溪之書為之而徐用誠劉純輩亦  
皆私淑丹溪丹溪主養陰故原礼用誠等皆屬於養陰派  
也二溫補派明代於溫補頗有發明薛立齋之家居醫錄  
張介賓之景岳全書趙獻可之醫貫皆偏於溫補介賓謂  
人之生氣以陽為主難得而易失者惟陽既失難復者亦  
惟陽虛可以養火為主嘗論命門為人身之君養身者既  
不知搏節致耗此火以致於病治病者復不知培養此火  
反用寒涼以賊之斯數者皆專以溫補為宗故立齋介賓  
獻可等皆屬於溫補派也三攻下派崇禎季年瘟疫流行  
山東浙江尤甚其死亡者十居七八蓋當時醫院皆主景

岳治療偏於溫補動輒遺誤吳又可適崛起於其際自為  
邪可驅熱可逐注意逐邪勿拘結糞極力驅使硝黃其技  
倆特長於攻下一途故又可屬於攻下派也四信古派明  
代屬於此派者甚多如繆希雍著本草經疏謂古三墳之  
書未經秦火者獨本草而已以神農本經朱字譬之六經  
又方有執著傷寒條辨因張仲景卒病論初編次於晉王  
叔和已有改移及全成無已作註又多所竄亂彌失其真  
乃習二十餘年之力尋求端緒排比成編一一推作者之  
意為之考訂若輩皆篤信古人故希雍有執諸人皆屬於  
信古派也五折衷派如倪維德取劉完素張子和李東垣

三家之說著元机啟微王肯堂著証治準繩於寒溫攻補  
無所偏主是皆屬於折衷派也五派之中各有短長要亦  
因時立言不得不如是耳

#### 第四節

#### 藥物學

吾國藥物學之發明也久矣神農氏之嘗百草舊說有本  
草經三卷為神農氏所作此藥物學之濫觴也漢平帝紀  
云元始五年舉天下通知方術本草者遣詣京師樓護傳  
稱護少誦醫經本草方術數十萬言本草之名蓋見于此  
淮南子云神農嘗百草滋味一日而七十毒由是醫方興  
焉蓋上世未著文字師學相傳謂之本草兩漢以來名醫

益衆張華輩始因古學附以新說通為編述本草錄是見  
於經錄此漢代之藥物學也梁陶弘景復增漢魏以下名  
醫所用藥三百六十五種謂之名醫別錄北齊徐之才以  
衆藥名品君臣性毒相反及所主疾病分類記之著雷公  
藥對二卷魏李當之著李氏藥錄吳普著吳氏本草皆有  
所發明此六朝時之藥物學也唐高宗命李勣等修陶隱  
居所注神農本草經增為七卷世謂之英公唐本草頗有  
增益顯慶中蘇恭重加訂註表請修定帝復命趙國公長  
孫無忌等二十二人與恭詳定增藥一百一十四種世謂  
之唐新本草又孟詵著食療本草陳藏器著本草拾遺均

多所發明比唐代之藥物學也宋太祖開寶六年命劉翰  
馬志等九人取唐蜀本草詳校仍取陳藏器拾遺諸書相  
參刊正別名增藥一百三十三種計新舊藥合九百八十  
三種謂之開寶本草仁宗嘉祐二年詔掌禹錫林億等同  
諸醫官重修本草新補八十二種新定一十七種通計一  
千八百十二條謂之嘉祐補註本草又命蘇頌著圖經本  
草徽宗大觀二年蜀醫唐慎微取嘉祐補註本草及圖經  
本草合為一書後拾唐本草陳藏器本草孟詵食療本草  
舊本所遺者五百餘種附入各部名証類本草上之朝廷  
改名大觀本草哲宗元祐中陳承合本草及圖經為一謂



之別說政和中寇宗奭以補註及晉經參攷引証名為本草衍義此宋代之藥物學也金易州張元素之潔古珍珠囊元真定李杲之用藥法象王好古之湯液本草吳瑞之曰用本草朱震亨之本草衍義補遺此金元之藥物學也明洪武時徐用誠之本草發揮周憲王之救荒本草弘治中王綸之本草集要汪頤之食物本草嘉靖時寧源之食鑑本草汪机之本草會編陳嘉謨之本草蒙荃萬歷時李時珍之本草綱目繆希雍之本草經疏盧之頤之本草乘雅各有發明此明代之藥物學也夫藥物學之發明始於炎蓂盛於漢衍於梁浸淫於唐宋至明本草綱目出始稱

六備蓋時珍著本草綱目乃病以前歷代之本草駁雜繁  
蕪不能得其綱要因集搜象說蔓煩補闕分為水火土金  
石草穀菜果木服器虫鱗介禽獸人等一十六部部各分  
類類凡六十標名為綱列事為目增藥三百七十四種方  
八千一百六十閱三十年始成探書八百餘種計五十二  
卷集吾國數千年藥物之大成可謂空前之鉅著矣嗚呼  
時珍之有裨於吾國藥物學之進化其功又烏可沒乎哉

### 第五節

### 疾病史

一

### 瘟疫

張景岳曰瘟疫本即傷寒然亦有稍異以其多發於春夏

且因時氣偏行大小相似，必待日數足然後得汗而解。吳又可瘟疫論曰：疫者感天地之厲氣，在氣運有多寡，在方隅有厚薄，在四時有盛衰。此氣之來，無論老少強弱，觸之者即病。邪從口鼻而入，則其所客內不在藏府，外不在經絡，舍于夾脊之內，去表不遠，附近於胃，乃表裡之分界。是為半表半裡，即鍼經所謂橫連募原是也。又曰：邪之所着，有天受有傳染，所感雖殊，其病則一。凡人口鼻之氣通乎天氣，本氣充滿，邪不易入。本氣適逢虧欠，呼吸之間，外邪因而乘之。昔有三人冒霧早行，空腹者死，飽食者病，飲酒者不病。疫邪所着，又何異耶？若其年氣未

之厲不論強弱正氣稍衰者觸之即病則又不拘於此矣  
其感之深者中而即發感之淺者邪不勝正未能頓發或  
遇飢飽勞碌憂思氣怒正氣被傷邪氣始得張溢營衛運  
行之机乃為之阻

二 痧癘

繆仲淳廣筆記論痧癘曰痧癘者手太陰肺足陽明胃熱  
邪發而為病也小兒居多大人亦時有之殆時氣瘟疫之  
類歟其証多咳痰多噎眼中如淚多泄瀉多痰多熱多渴  
多煩悶甚則躁亂咽痛唇焦神昏是其候也治法當以辛  
涼發散為主藥用辛寒甘寒若寒以升發之惟忌酸收最

宜辛散誤施溫補禍不旋踵

三

霍亂

張景岳曰夏秋之交新涼得氣或疾風暴雨或乍寒乍熱此皆陰陽相駁善養生者於此時宜慎凡外而衣被內而口腹當增則增當節則節最宜加意或少有不調而為駁雜之氣所侵則霍亂吐瀉所由生也

又曰霍亂之病諸家有言火者謂霍亂多在夏秋之間豈得謂之傷寒乎吁謬亦甚矣不知夏秋之交正多藏寒之病蓋一以盛暑將殺新涼初起天人易氣寒之由也一以酷暑當令生冷不節疾病因時寒之動也人以夏秋之外



批易見而藏寒之內寒難見故但知用熱遠熱而不知用  
寒遠寒見之淺陋多有如此此所以多致誤也

王肯堂曰霍亂証雖有風寒濕熱之異大抵傷暑居多蓋  
由夏暑傷內元氣脾胃俱虛必因飲冷停寒酒色所傷外  
因受涼邪氣所鬱不得發越而霍亂之証作矣故此証多  
作於秋涼之時從可知矣

四 瘧疾

張景岳曰瘧疾本由外感故內經論瘧無非曰風曰寒其  
義甚明而後世之論則泛濫不一總不過約言其末而反  
失其本

又曰治瘡當辨寒熱寒勝者即為陰証熱勝者即為陽証  
蓋有素稟之寒熱有染觸之寒熱然必其表裡俱有熱邪  
方是火証若瘡至則熱瘡止則退而內無煩熱閉結等証  
則不得以火証論治

薛立齋曰瘡証皆因先傷於暑次感於風客於營衛之間  
腠理不密復遇風寒閉而不出舍於腸胃之外於營衛並  
行晝行於陽夜行於陰並則病作離則病止併于陽則熱  
併于陰則寒淺則日作深則間日在氣則早在血則晏  
李士材醫宗必讀曰夫夏傷於暑汗出腠開當風浴水淒  
滄之寒伏于皮膚及遇秋風新涼束之表邪不能外越陰

欲入而陽拒之，陽欲出而陰遏之，陰陽相搏而瘧作矣。  
吳又可溫疫論曰：凡瘧者，寒熱如期而發，餘時脈靜身涼，  
此常瘧也。設傳胃者，又見裡証，名為溫瘧，以疫法治者，生。  
以瘧法治者，死。裡証者，下証也。下後裡証除，寒熱獨存者，  
是溫疫減，瘧証在也。以瘧法治之。

五

痢疾

張景岳曰：痢疾一証，即內經之腸澼也。古今方書因其閉  
滯不利，故又謂之滯下。其証則裡急後重，或垢或血，或見  
五色，或多紅紫，或痛或不痛，或嘔或不嘔，或發熱或惡寒。  
此証之陰陽虛實，最宜博審詳察，庶不致於差失。

又曰凡腹中積垢之辨乃以飲食之滯留蓄於中或結聚或塊或脹滿硬痛不化又行有阻隔者乃為之積此糟粕成形之屬所當逐也今人不能辨察但見痢如膿垢者皆謂之積不知此非糟粕之屬而寔附腸著藏之脂羔皆精血之屬也

又曰五色之辨白者其末淺浮近之脂羔也赤者其末深由脂羔而切膚絡也純血者血為熱迫隨溢隨下此其最深者也若紫紅紫白者离位稍久其下不速而色因以變或未及於脉絡此其稍淺者也若紅白相兼者此又其淺深皆及者也大都純血鮮紅者多熱証以火性疾速迫而

下也紫紅紫白者少熱症似陰凝血敗而然也純白者無熱証以藏寒氣簿而然也

吳又可溫疫論曰溫疫愈後三五日或十數日反腹痛裡急者非前病原也此下焦別有伏邪所發欲作滯下也發於氣分則為白發于血分則為赤氣血俱病赤白相兼邪盡利止

又曰下利膿血更加發熱而渴心腹痞滿嘔而不食此疫痢兼証最為危急夫疫者胃家事也蓋疫邪傳胃下常八九既傳入胃必從下解疫邪不能自出必借大腸之氣傳送而下而疫方愈夫痢者大腸內事也大腸既病失其傳



送之職故正糞不行純乎下痢膿血而已

六 咳嗽

張景岳曰咳嗽証有二一曰外感一曰內傷夫外感之咳必先由皮毛而入蓋皮毛為肺之合而凡外邪襲之則必先入于肺久而不愈則又自肺而傳于五藏也內傷之嗽又起於陰分蓋肺為燥金為水之母陰損於下則陽孤於上水涸金枯肺苦于燥肺燥則痒痒則咳不能已也總之咳証雖多無非肺病而肺之為病亦無非此二者而已但於二者之中當辨陰陽當分虛寔耳

又曰外邪証多有誤認為勞傷而遂成真勞者此必其人

氣件柔弱而醫家望之已有成心故見其發熱遂認為火  
見其咳嗽遂認為勞不明表裡率用滋陰降火等劑不知  
寒邪既已在表涼藥不宜妄投若外既有寒而內又得寒  
則表裡合邪必致邪留不解延綿日甚俗云傷風不愈便  
成勞夫傷風豈能變勞特以庸醫誤治而日加清劑則柔  
弱之人能堪幾多清理久而不愈不至勞不已也此寔醫  
之所誤耳

李士材醫宗必讀曰按咳雖肺病五藏六府皆能致之析  
其條目經文尚有漏義總其綱領不過內傷外感而已風  
寒暑濕傷其外則先中于皮毛皮毛為肺之合肺邪不解

他經亦病此自肺而後傳于諸藏也勞慾情志傷其內則藏氣受傷先由陰分而病及上焦此自諸藏而傳於肺也

七 喘哮

張景岳曰氣喘之病最為危候治失其要鮮不誤人欲辨之者亦惟二証而已所謂二証者一曰寔喘一曰虛証也此二証相反不可混也然則何以辨之蓋寔喘者有邪邪氣寔也虛喘者無邪元氣虛也寔喘者氣長而有餘虛喘者氣短而不續寔喘者咽喘氣粗聲高息湧膨膨然若不能容惟呼出為快也虛喘者慌張氣怯聲低息短皇皇然若氣欲斷提之若不能升吞之若不相及勞動則甚而惟

急促似喘，但得引長一息為快也。此其一為真喘，一為似喘。真喘者，其責在肺；似喘者，其責在腎。

又曰：喘有宿根，遇寒即發，或遇勞即發者，亦名哮喘。未發者，以扶正氣為主；既發時，以攻邪氣為主。扶正氣者，須辨陰陽。陰虛者，補其陰；陽虛者，補其陽。攻邪者，須分微甚。或散其風，或溫其寒，或清其痰火。然發久者，氣無不虛，故于消散中，宜酌加溫補；或于溫補中，宜酌加消散。此等症候，當愴愴以元氣為念，又使元氣漸充，度可望其漸愈。若攻之太過，未有不致日甚，而危者。

王肯堂曰：哮喘相類，但不似開口出氣之多。如聖濟總

錄有名呷嗽者是也。以胸中多痰結于喉間，其氣相擊，隨其呼吸，呀呻于喉中作聲。呷者口開，呀者口閉，乃開口閉口，尽有其聲。蓋喉離者，呼吸之氣出入之門也。會厭者，聲音之戶也。懸壅者，音聲之關也。呼吸本無聲，胸中之痰隨氣上升，黏結于喉嚨，及于會厭懸壅，故氣出入不得快利。其痰引逆相擊而作聲也。是痰得之食味鹹酸太過，因積成熱，由來遠矣。如膠如漆，黏於肺系，特哮喘出喉間之痰去，則聲稍息。若味不節，其胸中未盡之痰復與新味相結，哮喘更作，此其候也。

八 咯血 咳血 嘔血



張景岳曰咯血唾血古皆言出于腎痰涎之血云出于脾  
此亦未必然也凡咯血者於喉中微咯即出非若咳血嗽  
血之費力而甚也大都咳嗽而出者出于臟出于臟者其  
末遠一咯而出者出于喉出于喉者其末近其末遠者內  
傷已甚其末近者不過在經絡之間所以凡見咯血唾血  
及痰涎中帶血者多無咳嗽發熱氣喘骨蒸等証此其輕  
重為可知矣

又曰咳血嗽血皆從肺竅中出若同類而寔有不同也蓋  
咳血者少痰其出較難嗽血者多痰其出較易咳而少痰  
者水竭于下液涸于上也亦名乾咳嗽而多痰者水泛于

上血化為痰也亦謂之白血

王肯堂曰咯血不嗽而咯出血也咯與吐少異吐出于氣上無所阻咯出于痰氣蓄于喉嚨之下滯不得出咯而乃出求其所屬之藏咯唾同出于腎也

又曰或曰咳血止從肺出他無可言耶曰肺不獨咳血而亦唾血蓋肺主氣氣逆為咳腎主水水化為液為唾腎脉上入肺循喉嚨挾舌本其支者從肺出絡心注胸中故二藏相連病則俱病于是皆有咳唾血也亦有可分別者涎唾中有少血散漫者此腎相火炎上之血也若血如紅綫在痰中咳而出者此肺絡受熱傷之血也其病難已若咳白

血必死，白血淺紅色似肉似肺也。

九 虛癆

薛立齋曰：勞瘵之証，大抵屬足三陰虧損，虛熱無火之証。故晝發夜止，夜發晝止，不時而作。

張景岳曰：病之虛損，變態不同，因有五勞七傷之証。有營衛藏府然，總之則人賴以生者，惟此精氣。而病為虛損者，亦惟此精氣。氣虛者，即陽虛也；精虛者，即陰虛也。

又曰：虛損兩頰紅赤，或唇紅者，陰虛于下，逼陽于上也。仲景曰：其面戴陽者，下虛也。虛而多渴者，腎水不足，引水自救也。嗜唾聲不出者，由腎氣之竭，蓋聲出于喉而根于腎。

經曰內奪而厥則為瘖俳此腎虛也虛而喘急者陰虛肺  
格氣無所歸也喉乾咽痛者真水下虧虛火上浮也不眠  
恍惚者血不養心神不能藏也時多煩躁者陽中無陰柔  
不濟剛也易生瞋怒或筋急痠痛者水虧木燥肝失所資  
也飲食不甘肌肉漸消者脾元失守化机日敗也心下跳  
動怔忡不寧者氣不歸精也經曰胃之大絡名曰虛里出  
於左乳下其動應衣宗氣泄也盜汗不止者有火則陰不  
能守無火則陽不能固也虛而多痰或如清水或多白沫  
者此水泛為痰脾虛不能制水也骨痛如折者腎主骨真  
陰敗竭也腰脇痛者肝腎虛也膝以下冷者命門衰絕火

不歸源也。小水黃澀淋瀝者，真陰虧竭，氣不化水也。足心如烙者，虛火燥陰，湧泉涸竭也。

王肯堂曰：虛勞之疾，百脉空虚，非粘膩之物填之不能寔也。精血枯涸，非滋濕之物濡之不能潤也。

王宏翰名醫指掌曰：夫男子之勞起于傷精，女子之勞起于經閉，小兒之勞得于母胎。

又曰：考之內經及上古諸家之說，一曰勞瘵，一曰勞極，一曰陰虛，一曰不足，一曰虛損。然因名以責寔，不過氣虛血虛，陰虛之異耳。凡脾肺不足皆氣虛也，心肝不足皆血虛也，腎水有虧即陰虛也。



十 肺癰肺痿

薛立齋曰凡勞傷血氣曠理不密外邪所乘內感于肺或入房過度腎水虧損虛火上炎或醇酒炙博辛辣厚味薰蒸于肺或咳唾痰涎汗下過度重亡津液皆能致之其候惡風咳嗽鼻塞項強胸脇脹滿呼吸不利咽燥作渴甚則四肢微腫咳唾膿血若吐痰臭濁膿血腥穢胸中隱隱微痛寸口脈數而寔者為肺疽若吐涎沫而無膿脈數而虛者為肺痿

十一

噎膈

孫一奎赤水元珠曰夫飲食入于噎間不能下噎隨即吐

出自噎而轉故曰噎（按此以噎為咽義非是膈是膈膜之  
膈非膈截之謂也飲食下噎至于膈間不能下膈乃徐吐  
出自膈而轉故曰膈

張景岳曰噎膈者膈塞不通食不能下故曰噎膈又曰噎  
膈一証必以憂愁思慮積勞積鬱或酒色過度損傷而成  
蓋憂思過度則氣結氣結則施化不行酒色過度則傷陰  
陰傷則精血枯涸氣不行則噎膈病于上精血枯涸則燥  
結病于下

趙養葵醫貫曰噎膈者饑欲得食但噎塞但迎逆於咽喉胸  
膈之間在胃口之上未曾入胃即帶痰涎而出若一入胃

下無不消化不復出矣惟男子年高者有之少無噎膈

十二

噎噫即呃逆噫輕噎重

張景岳曰穢者呃逆也非咳逆也咳逆者咳嗽之甚者也非呃逆也乾嘔者無物之吐即嘔也非噎也噎者飽食之息即噎氣也非咳逆也後人但以此為鑑則異說之疑可  
盡釋矣

張景岳曰呃之大要惟三者而已一曰寒呃二曰熱呃三曰虛脫之呃又曰噎氣者即內經所謂噫也此寔脾胃之氣滯也起自中焦而出于上焦故經曰上走心為噫也王肯堂曰呃逆即內經所為噎也或曰成無已許學士固

以噦為呃逆。然東垣海藏又以噦為乾嘔。成無擇又以噦名咳逆。諸論不同。今子獨取成許二家之說。何也。曰噦噫具在內經。顧諸家不察耳。按靈樞雜病篇云。噦以草刺鼻。嚏嚏而已。無息而疾迎引之。立已。大驚之亦可已。許此經文三法。正乃治呃逆之法。按呃逆用紙撚刺鼻。便嚏嚏。則呃逆立止。或閉口鼻氣使之無息。亦立已。或作盜賊大驚駭之。亦已。此余所以取成許二家之論。噦為呃逆。為得經旨也。若以噦為乾嘔。設使乾嘔之人。或使之嚏。或使之無息。或使之大驚。其乾嘔咳逆能立已乎。噦非乾嘔也。明矣。又曰內經所謂噫。即今人所謂暖氣也。

吳又可曰胃氣逆則為呃逆吳中稱為冷呃以冷為名逆指為胃寒不知寒熱皆令呃逆且不以本証相參專執俗語為寒遂投丁香茱萸桂誤人不少此比執辭害義者尤為不典

十三

痞滿

張景岳曰痞者痞塞不開之謂滿者脹滿不行之謂蓋滿則近脹而痞則不近脹也

十四

積聚

張景岳曰積聚之病凡飲食血氣風寒之屬皆能致之但曰積曰聚當詳辨也蓋積者積累之謂由漸而成者也聚



者聚散之謂作止不常者也由此言之是堅硬不移者本有形也故有形者曰積或聚或散者本無形也故無形者曰聚諸有形者或以飲食之滯或以膿血之留凡汗沫凝結旋成癥塊者皆積之類其病多在血分血有形而靜也諸無形者或脹或不脹或痛或不痛凡隨觸隨蕪時來時往者皆聚之類其病多在氣分氣無形而動也故難經以積為陰氣聚為陽氣其義即此

十五

泄瀉

戴元禮曰凡瀉水腹不痛者是濕飲食入胃不任或完穀不化者是氣虛腹痛瀉水腸鳴痛一陣瀉一陣是火或瀉

時或不瀉時或多或少是痰積腹痛甚而瀉瀉後痛減者  
是食積

孫一奎赤水元珠曰糞出少而勢緩者為泄若漏泄之謂  
也糞大出而勢直不阻者為瀉傾瀉之謂也

張景岳曰凡內經有言瀉泄者有言濡泄者皆泄瀉也有  
言腸辟者即下痢也然痢之初作必由于瀉此瀉之其病  
本為同類但瀉淺而痢深瀉輕而痢重瀉由水穀不分出  
於中焦痢以脂江傷敗病在下焦然病寔相關不可不兼  
察以為治也

繆仲醇曰天黎明而泄其泄亦溏俗名鴨溏是為腎泄亦

名大癩世

李時珍曰歐陽公嘗得暴下病國醫不能治夫人買市人藥一貼進之而愈方叩其方則車前子一味為末米飲服二錢匕云此藥利水道而不動氣水道利則清濁分而穀穢自止矣

十六 黃疸

戴原禮曰五疸者周身皮膚并眼如梔子水染因食積黃者量人虛寔下其食積其餘但利小便為先小便利其黃則自退矣

張景岳曰黃疸一証古人多言為濕熱及有五疸之分者

皆未足以尽之，而不知黃之大要有四，曰陽黃、曰陰黃、曰表邪、曰蕪黃。曰胆黃也。知此四者，則黃疸之証無餘義矣。丹溪曰：疸不忍分五種，同是濕熱。如蠶麩相似，豈果皆如蠶麩惡，可謂之濕熱耶？弗足憑也。

又曰：胆黃証凡大驚、大恐及閉、歐傷者，皆有之。嘗見有虎狼之驚，突然喪胆而病黃者，其病則驟有，酷吏之遭，或禍害之慮，恐怖不已，而病黃者，其病則徐如。南北朝齊永明十一年，有太學生魏準者，因惶懼而死。卒伴皆青，時人以為胆破，即此類也。

十七

虫症

蠱毒

戴原礼曰凡人嘔吐服藥不納者必有虵在腸間虵聞藥則動動則藥出而虵不出但於嘔吐藥中加炒川椒十粒良蓋虵見椒則頭伏也

張景岳曰虫之為病人多有之由于化生誠為莫測在古方書雖曰由濕由熱由口腹不節由食飲停積而生是固皆有之矣然以常見驗之則凡穢強氣盛者未聞其有虫正以隨食在化虫自難存而虫能為患者終是穢氣之弱行化之遲所以停聚而漸致生虫耳然則或由濕熱或由生冷或由肥甘或因滯膩皆可生虫非獨濕熱已也然以數者之中又惟生虫生虫為最即如收藏諸物但著生水



或近陰濕則最易蛀腐非其義乎

王肯堂曰凡蠱毒有數種曰蛇毒 蚺蜩毒 蝦蟆毒 蜈蚣毒 娘草

毒等皆是變亂元氣人有故造作之者即謂之蠱也多因

飲食內行之

十八

淋濁

戴原禮曰有似淋非淋小便色如米泔或便中有如鼻涕

之狀此乃精濁俱出精塞溺道故便欲出不能而痛宜大

兔絲子丸鹿茸丸之類

張景岳曰淋之為病小便痛澀滴瀝欲去不去欲止不止

者是也是亦便濁之類而寔濁之甚者但濁出于暫而久

而不已則為淋其證則或有流如羔液者或出如砂石而痛不可當者或有如筋條者或時為溺血血條者此淋之與濁誠有不同故嚴氏有五淋之辨曰氣石血羔勞也王肯堂曰考之內經淋病大綱有二曰溼曰熱又曰余嘗思之淋病必由熱甚生濕濕生則水液渾凝結而為淋不獨此也更有人服金石藥者入房太甚則精流入胞中及飲食痰積滲入者則皆成淋

十九

頭痛

薛立齋曰久頭痛多生于痰痛甚者乃風毒上攻有血虛者有諸經氣滯者有氣虛者有四氣外傷者有勞役所傷

者

王肯堂曰醫書多分頭痛頭風為二門然一病也但有新久去留之分耳淺而近者名頭痛其痛卒然而至易於解散速安也深而遠者為頭風其痛作止不常愈後遇觸復發也皆當驗其邪所從來而治之

王節齋曰久頭痛病畧感風寒便發寒日頌重綿厚帕包裏此屬骨熱本熱而標寒

二十

眩暈

張景岳曰眩暈一証虛者居其八九而兼火兼痰者不過十中一二耳原其所由則由勞倦過度而暈者有飢飽失

時而暈者有嘔吐傷上有暈者有泄瀉傷下而暈者有大  
汗亡陽而暈者有眵目驚心而暈者有焦思不釋而暈者  
有被毆辱氣奪而暈者有悲哀痛楚大叫大呼而暈者此  
皆傷其陽中之陽也又有吐血衄血便血而暈者有癰膿  
大潰而暈者有被金石所傷失血痛極而暈者有縱慾氣  
隨精去而暈者有婦女崩淋產後去血而暈者此皆傷其  
陰中之陽也若再大醉之後濕熱相乘而暈者傷其陰也  
有大怒之後木肆其強而暈者傷其氣也有痰飲留中治  
節不行而暈者脾之弱也此亦有餘之不足也至若年老  
精衰勞倦日積而忽患不眠忽苦眩暈者此營衛兩虛之

致然也由此察之虛寔可辨矣

二十一

怔忡

戴原礼曰怔忡者心中不安場場然如人將捕之者是也  
張景岳曰怔忡之病心胸築築振動惶惶場場無時得安  
者是也然古無是名其在內經則曰胃之大絡名曰虛里  
出于左乳下其動應衣宗氣泄也在越人仲景則有動氣  
在上下左右之辨云諸動氣皆不可汗下也凡此者即皆  
怔忡之類此証惟陰虛勞損之人乃有之

二十二

癩癩

戴原礼曰癩者俗名諸癩風是也

醫史

三七

中醫學

六



張景岳曰癩即癩也觀內經所言癩証甚詳而癩則無辨  
即此可知後世有癩癩風癩風癩等名所指不一則徒滋  
惑亂不必然也

又曰癩狂之病病不同狂病之來在妄以漸而經久難  
已癩病之至忽然僵仆而時作時止狂病常醒多怒而暴  
癩病常昏多倦而靜

又曰如別錄所載五癩曰馬癩牛癩羊癩猪癩鷄癩者即  
今人之謂羊癩諸癩也此不過因其聲之相似遂立此名  
可見癩癩無二而諸家於癩証之外又有癩証誠屬牽強  
無足憑也

王肯堂曰癲者或狂或愚或歌或笑或悲或泣如醉如癡  
言語有頭無尾穢潔不知積年累月不愈俗呼心風此志  
願高大而不遂所欲者多有之狂者病之發時猖狂剛暴  
如傷寒陽明大實發狂罵詈不避親疎甚則登高而歌棄  
衣而走踰垣上屋非素所能或與人語所未嘗見之事如  
有邪依附者是也

王肯堂曰癩發則昏不知人眩仆倒地不省高下甚則癩  
癩抽掣目上視或口眼喎斜或口作六畜之聲

二十三

脚氣

虞搏醫學正傳引內經曰諸濕腫滿皆屬脾土又曰傷于

濕者下先受之蓋脾生四肢足居下而多受其濕濕鬱成  
熱濕熱相搏其病作矣是以先從氣衝穴隱核痛起及兩  
足旺紅腫或惡寒發熱狀若傷寒筋攣掣痛是其候也或  
一旬或半月復作如故漸漸而致於足筋腫大如瓜瓠者  
多有之矣東南卑濕之地比比皆是西北高燥之方鮮或  
有之原其所由非止一端有從外感而得者有從內傷而  
致者所感雖有內外之殊其為濕熱之患則一也  
孫志宏簡明醫彙曰脚氣之病多生于水濕亦有夫風夫  
寒夫暑者其發時則或腫或痛濕熱勝者成水泡瘡或成  
赤腫丹毒或如疝氣

王宏翰明醫指掌曰脚氣乃腎火扶濕見于皮肉紅腫如雲痕或隱見紅色按之熱且痛者是也

第九章

清之醫學

第一節

清之醫政

一

太醫院官制職務負額學科陞補考試  
教授侍從差遣褒獎懲處服色祭祀

太醫院設院使一人左右院判各一人掌醫之政令率其屬以供醫事其屬御醫十有五人吏目三十人醫士四十人醫員三十人掌九科之法以治疾醫士二十六人掌灸製之法以治藥咸給事內庭供使令焉

醫士負額奮例自御醫十員而下有醫士四十名醫士二十名切造醫士二十名順治十八年題准裁醫士二十名醫士十名康熙九年仍復舊額十四年復裁醫士二十名醫士十名切造醫士十名二十年題准添設切造醫士五名二十三年題准添設切造醫士五名四十七年太醫院計有御醫吏目等一百零五名每日各處該班需用一百一十一名差多人少不敷應用特添二十名五十二年裁御醫二員雍正九年題准仍復御醫十員舊額醫士二十名醫士十名繼將醫士裁去加增醫士二十名共醫士四十名



本院官士習業舊分十一科御醫吏目醫士醫生各專一  
科曰大方脉小方脉傷寒科婦人科瘡瘍針科眼科口齒  
科咽喉科正骨科痘疹科今痘疹歸入小方脉咽喉口齒  
共為一科計設九科

凡陞轉院使員缺由左院判陞補左院判員缺由右院判  
陞補右院判員缺由御醫陞補御醫員缺由吏目陞補吏  
目員缺由醫士陞補遇有御醫以下缺出本院堂官將內  
直勤勞者申送禮部轉咨吏部題授如內直補完方將外  
直應陞各官按俸開列申送其各官員缺有奉旨特用者  
遵旨補授

醫史

凡吏目缺出於醫士內考其方脈精明品端勞著者申送  
禮部轉咨吏部題授醫士缺出於醫生內考取以本院官  
士保結方准入院

康熙四十七年因差多人少不敷遣用特於直省民醫及  
奉貢生監有職銜人內擇精通醫理情愿效力者酌添名  
額布衣着赴該院具呈其奉貢生監有職銜者著該地方  
官給照亦于該院具呈揀選補用如效力年久歷有成效  
除布衣與醫士醫生照常補授外其奉貢生監有職銜者  
該院將應用情由開明具題移送該部於伊等應用缺佳  
先補用

凡考試醫士醫生本院堂官須于素問難經本草脈訣及  
本科緊要方藥內出題擇其學術精通者頂補糧缺如習  
業荒疏歷年雖久不往頂補仍發教習廳肄業

康熙二十三年題准遴選本院官二員在外衙門教習其  
首領庫官輪班直宿以應傳差急務

二

藥房職務該視沿革藥料職掌名額施藥

侍直內府設東西御藥房二所西藥房歸院使院判及御  
醫吏目分班輪直東藥房歸御醫吏目及醫士分班輪直  
凡烹調御藥本院官請脈後開方具本奏明同內臣監視  
每二服合為一服候熟分貯二器一器由本院官及內臣

次第嘗服一器進御前若將方奏明文其內藥房按方烹調者歸內藥房辦理

順治十年置藥房屬太醫院十八年裁康熙六年復設仍屬太醫院十年定藥房不屬太醫院另設貨管領

凡解取藥料鮮竹均歸戶部辦理題定每年歸河南解鮮竹三百株由本部劄付太醫院燒取竹瀝

凡藥材本折錢糧舊例各直省出產藥材地方每年解納本院生藥庫收貯委官驗辨優劣其出入皆由禮部順治十六年定分歸本院職掌十七年題准選本院官一員兼攝庫務並設庫役十名巡邏看守十八年定生藥庫復歸

禮部職掌康熙三年定錢糧總歸戶部其直省歲解药材  
本色併折色錢糧俱由戶部收貯附庫

第二節

清著明醫學家

一 喻昌

喻昌字嘉言江西南昌人崇禎中以選貢入都卒無所就  
遂專務于醫往來靖安間後又寓常熟所至皆以醫術著  
名昌以張仲景傷寒論乃劫火之餘篇目差錯晉王叔和  
附以己意編集成書共二十三篇頗失經旨繼宋林億校  
正金成無己詮註二家因尊信叔和往往以叔和繚翼之  
詞混編為仲景之書以致魚目相混雖明季方有執著傷



寒條辨削去叔和序例然猶未能綱舉目析昌遂著尚論  
篇變易作例力矯前非諸註所誤經昌矯正始恍然大白  
于天下也昌又取風寒暑濕燥火六氣及諸雜症著醫門  
法律及寓意草頗能闡發金匱之秘旨從來醫籍惟據拾  
古人之啞餘多不指及編輯之誤及施治之失即有辨明  
舛誤者亦僅偶然附論而昌則分別疑似抉摘瑕疵其發  
明傷寒金匱之功又烏可沒哉

二 魏之琇

魏之琇字玉璜浙江錢塘人也別號柳洲精醫學因校刊  
江瓘名醫類案病其尚有未備遂續撰續名醫類案六十

卷雜取近代醫書及史傳地志文集說部之類分門排纂  
以輔瓘書所不逮繼著有柳洲醫話王孟英為之分類詳  
按編入潛齋醫學叢書行世

三 張璐

張璐字路玉號石頑江蘇吳江人著張氏醫通本經逢原  
診宗三昧傷寒續緒論等書方藥主治多本薛己醫案張  
介賓景岳全書蓋璐專宗溫補派也

四 汪昂

汪昂字詒庵安徽休甯人著有醫方集解本草備要靈素  
類纂諸書其書淺顯易明近人多宗之者

五 柯琴

柯琴字韻伯浙江慈谿人也閉戶讀書隱居不仕精研岐黃之學而未嘗以醫名當時其淡泊明志可以想見韻伯以醫學日晦恐斯道將絕慨然著書立說暗度金鍼以傷寒論為方書鼻祖後學津梁註者雖多而聚訟紛紜各鳴已得轉使初學無所折衷因取傷寒論逐條註釋補正方喻諸家之誤名曰傷寒來蘇集又註傷寒註論翼發揮精義暢所欲言固仲景之功臣亦諸家之諍友也昔新安羅東逸編輯古今名醫方論採取韻伯之論尤多

六 張志聰 高士栻

張志聰字隱庵高士栻字士宗俱浙江錢塘人康熙間二  
公同時學醫既而不合時宜遂閉戶著書作傳道計所註  
內經本草經傷寒論金匱等書各極智能發前人所未發  
陳修園謂為漢後第一書近人畏其深奧鮮有能卒讀者

七 葉桂

葉桂字天士號香巖光世自歙縣遷吳祖紫帆有孝行通  
醫理父陽生頗精其術老少參長倩無子晚得伏庵太史  
生無穀道啼不止延醫觀之皆束手陽生至曰是在膜裡  
須金刀割之割之而穀道果開太史既長為紫帆翁作傳  
以報焉桂少從師受經書暮歸其父授以岐黃學年十四

父沒桂乃從其父之門人朱某專習醫學朱即以其父平日所教教之桂聞即徹其蘊識見每出朱上因有聞于時上自朝廷下至販夫豎子遠近鄰省外藩鮮有不知葉氏者著有溫熱論臨証指南景岳蘇揮等書等世長洲沈德潛為之立傳謂桂察脉望色听声寫形言病之所在如見五藏癥結治方不執成見嘗云劑之寒溫視疾之涼熱自劉河間以暑火之論專用寒涼東垣論脾胃之火必務溫養習用參附丹溪創陰虛火動之說又偏于寒涼嗣是宗丹溪者多寒涼宗東垣者多溫養近之醫者茫無定識假兼備以倖中借和平以藏拙甚至朝用一方晚易一劑而



無有成見蓋病有見証有變症有轉症必灼見其初終轉  
變固有成竹而後施之以方否則以藥治人寔以人試藥  
也又謂桂臨沒誠其子曰鬻可為而不可為必天資灵敏  
讀萬卷書而後可濟世不然鮮有不殺人者是以藥餌為  
刀刃也吾死子孫慎毋輕言鬻鳴呼近世操斯術若葉氏  
之言可謂達且仁矣

八

薛雪

薛徵君者名雪字生白工詩善醫術性孤傲不求聞達公  
卿延之不輕往惟恒與袁子才太史遊詩酒流連極一時  
之盛隨園詩話載其庖人王小余病瘵已死將掩棺而生

白適來診之笑曰我好共瘦鬼羸或得勝亦未可知也出藥丸一搗石菖蒲汁調和灌之且囑曰鷓鳴時當有聲已而果驗竟得霍然又蜀人張慶者得狂易之疾視目光如見雪在啖少許而腸痛欲裂生白視之曰此冷痧也當刮之一刮而愈嘗謂隨園曰我之醫如君之詩俱以神行所謂人居室中我來天外是也著有詩文集及醫經原旨等書行世吳子音有三家醫案合刻惜于薛氏治驗之案採取無多生白學問淵博無所不通召卒鴻博不就當時雖與葉香巖並重醫林而雅不欲與之並立故別號掃葉老人晚年願澹泊自甘有先賢願子之樂故又號一瓢云

九

徐大椿

徐大椿字灵胎晚自號洄溪老人江苏吴江聖族也生有  
異稟凡星經地志九宮音律以至舞刀奪槊勺卒贏越之  
法靡不講究而尤長于醫隨園為之立傳謂其每視人疾  
穿穴羔育能呼師時與之作語其用藥也神施鬼沒斬關  
奪隘如周亞夫之軍從天而下諸岐黃家目瞠心駭帖帖  
驚服而卒莫測其所以然芦墟乍耕名卧病六日不食不  
言目炯炯直視先生曰此陰陽相搏証也先投一劑須臾  
目瞑能言再飲以湯竟躍然起語曰余病危時有紅黑二  
人纏繞作祟忽見黑人為雷震死頃之紅人又為白虎銜

去是何祥也先生笑曰雷震者余所投附子霹靂散也白  
虎者所投天生白虎湯也乍嚙以為神張雨村生兒無皮  
兒者欲嘔將棄之先生命以糯米作粉糝其侷裹以絹埋  
之土中出其頭飲以乳兩晝夜而皮生任氏婦患風痺兩  
股如鍼刺先生命作厚褥遣強有力老嫗抱持之戒曰任  
其顛撲叫號不許放鬆以汗出為度如其言勿藥而愈高  
人汪令聞十年不御忽氣喘頭汗徹夜不眠先生曰此亢  
陽也服葎過多之故命婦人一文而愈有拳師某其人角  
技當胸受傷氣絕口閉先生命覆臥之拳拳擊其尻之下  
遂吐黑血數升而愈他如沈文愨公未遇時診脈而知其

必貴態季輝強壯時握臂而知其必亡皆所謂視于無形  
聽于無聲者其机警灵速皆此類也隨園傳記如此斯亦  
可見灵胎之藝精伎絕非常人所能及矣灵胎名達几聞  
連奉特旨六次奉詳述恩紀略中其所著之書自序有言  
謂學醫必先明藏府經脉也故作難經經釋謂藥性必當  
知其真也故作神農本草百種錄謂治病必有其所以然  
之理而後世失其傳也故作醫學源流論謂傷寒論顛倒  
錯亂註家各私其說而無定論也故作傷寒類方謂時醫  
不考病源不辨病名不知經方不明法度也故作蘭臺軌  
範謂醫道之壞壞于明之薛三希而呂氏刻趙氏醫貫專



以六味八味兩方治天下之病貽害無窮也故作醫貫  
謂醫學絕傳邪說互出殺人之為禍烈也故作慎疾芻言

十

尤怡

徐彬

尤怡字在京號拙吾江蘇長洲人工詩詞性沈靜淡于名  
利清詩別裁集載在汪就韓伯林衍欲晦姓名詩亦不求  
人知其幽閒恬淡已可概見著有金匱心典集註醫學讀  
書記評選靜香樓醫案等書行世徐彬字忠可著金匱要  
略論註英尤氏註金匱頗類蓋二人皆宗喻氏說也

十一

黃元御

黃元御字坤載別號玉樾山東人著作繁夥其所著者多

高自位置欲駕千古而上之故於舊說多立異論元御謂  
素問八十一篇秦漢以後始著竹帛傳寫屢更不無錯亂  
因為參互校正而著素問懸解四庫提要謂疑經文錯簡  
者起于劉向之校尚書猶有古文可據也疑經文脫簡者  
始于鄭玄之註玉藻然猶不敢移其次第至北宋以後始  
各以己意改古書有所不通輒言錯簡六經遂幾無完本  
餘波所漸劉夢鵬以此法說楚詞迨元御此註并以此法  
說醫經而漢以來之舊帙無能免于點竄矣元御更著有  
靈樞懸解難經懸解傷寒懸解傷寒說意金匱懸解長沙  
藥解四聖心源四聖懸樞素靈微蘊玉楸藥解等書其所

著素靈微蘊內之病解篇多詆訶歷代名醫謂錢乙為悖  
謬李杲為昏蒙劉完素朱震亨為罪孽深重擢髮難數嗚  
呼噫嘻元御之責備先賢殆亦別有所見歟

十二

陳念祖

陳念祖字修園福建長樂人精岐黃術著靈素節要淺註  
本草經讀傷寒論淺註長沙方歌括傷寒醫訣串解傷寒  
真方歌括金匱要略淺註金匱方歌括景岳新方疋急救  
經驗良方時方妙用時方歌括醫學三字經醫學實在易  
醫學從衆錄女科要旨十藥神書註解等書行世當代醫  
界之鉅子也蔣慶齡謂修園精岐黃術自負長沙後身世

鬻環而姍笑之及遠危証萬手齊來修園往脫冠几上探  
手牽脉目霍霍上聳良久乾笑曰候本不奇治之者擾之  
耳主人曰某名醫所治曰誤笑曰法本朱張王李曰更誤  
矣天下豈有朱張王李而能愈疾者乎口吃吃然罵手乞  
乞然書方具則自批自贊自解自起調刀圭火肴促服之  
服之如其言嘗以李時珍綱目為譴誦著有神蓀本草經  
註六卷其言簡其旨賅其義奇而不亂於正其鉤深索隱  
也玄之又玄如李將軍之畫不肯使一直筆其更闢奧啓  
也仍復明白坦易如白香山詩句雖竈下老嫗亦可共解  
及出山後斂抑才華每診一病必半日許纔出一方有難

之者其言訥訥然如不能出掇此以觀前後幾判若兩人  
是殆由于其學問之日進而昔日不可一世之概遂不覺  
與之俱化也

十三

沈金鰲

沈金鰲字芊錄別號再平江蘇無錫人乾隆中葉卒于鄉  
以通博聞著有芊錄草堂文稿嘗云范文正有言不為良  
相當為良醫遂肆力專攻醫學著傷寒論綱目雜病源流  
犀燭要藥分劑婦科玉尺兒科釋謎等書統名之曰沈氏  
尊生計七十二卷其中尤以論喉症為最詳備云

十四

吳塘



三。疇字鞠通江蘇淮陰人着溫病條辨其學說多本諸葉氏溫病論緣鞠通師承葉氏也其自序有云癸丑都下瘟疫大行其死于世俗之手者不可勝數生民不死於病而死於醫是有醫不若無醫也學醫不精不若不學醫也回以採輯歷代名賢著述去其駁雜取其精微間附以己意及經驗逾六年而成此書云嗚呼昌黎有言莫為之前雖美不彰莫為之後雖盛不傳鞠動羽翼長沙其有功於仲景當不在喻柯下也

十五 王清任

王清任字勳臣直隸玉田人也精于醫學往來京師為名

公鉅卿所推許著醫林改錯其自序云因遊藥州之稻地  
鎮得以親見人之藏府與古人所繪者說不同因別繪改  
正藏府圖共二十四件並著為論以說明形質構造而正  
古人之紕繆當時西醫之說尚未輸入中州而勳臣能不  
辭勞瘁以數十年之實驗茲為改錯之偉論可為改良醫  
學之巨擘矣惜乎吾國醫學素重墨守不求新知以致王  
說不能盛行毀譽參半甚有責勳臣詆毀經文標新立異  
目之為醫林揚墨者嗚呼改良醫學誠不憂憂乎其難哉  
然觀勳臣論藥立方以血液為病源以逐疔為療法似近  
偏謬其不理於眾口也殆由於此歟

十六 王士雄

王士雄字孟英浙江海昌人也懷才抱奇隱居不仕因以  
潛名其齋孟英少孤家貧生當亂世往來吳越間所至皆  
以醫得名平生著述甚富惜懷於兵燹者過半如潛齋學  
叢書及王氏醫案十種歸硯錄霍亂論初刻本今已散佚  
無存近日所盛傳者若溫熱經緯重訂霍亂論隨息居飲  
食譜及醫案仁術志回春錄等統名曰潛齋醫書五種是  
乃煨燼之餘亦吉光片耳

十七

陸懋修

陸懋修字九芝江蘇元和人其先世以科第顯而皆能醫

九芝夙以文學名尤長于醫咸豐己未涇陽張文毅公督  
兵皖江軍事旁午以溼熱邁疾羣醫震驚不能療九芝故  
出公門下飛騎千里招致軍中進數劑立瘥文毅德之太  
康劉中丞於辛酉命上海時得結姻証以時方元參地麥  
瀕於危九芝眎之進以朴枚茅數服乃解類此者頗多九  
芝素崇仲景為醫學辨誤著世補齋醫書三十三卷且曰  
如仲景方而不可用則病人豈容我以嘗試者何以用之  
一人有效用之人人而無不效且何以彼之不用仲景方  
者曾不聞一效也吾既用之而屢效矣則吾豈能舍我效  
者不用而用彼之不效者耶夫病者無所求不過求其效

耳然不用仲景方而效不至則人何樂乎不用仲景方哉  
觀此即可知陸氏之卓識超羣其所尊崇者舍仲景其誰  
其歸

十八 趙元益

趙元益字靜涵江蘇新陽人也博通中西醫學曾歷英法  
義比各國同治初西士傅蘭雅等來遊吾國傅工於算尤  
長于醫吳先生譯醫算各書歷二十餘年譯醫書六種曰  
儒門醫學西藥大成內科理法法律醫學濟急法保全生  
命論皆靜涵所筆述者嗚呼當風氣未開之際先生獨能  
納西方鴻寶以弄吾國民其有功于醫界豈淺鮮哉丁先



生福保為之立傳論曰晚近以來號稱新醫學者鮮衣肥馬日事囂凌論先輩則橫加蜚語治疾病則草菅滋甚昔時勤樸謹享朝夕從事刀圭而不計值如先生者不概見吾鄉浮薄少年尤好媒孽下石人之云亡邦國殄瘁為先生傳竊有慨于中也于此亦可見先生之為人矣

### 第三節

#### 清代之醫派

清代醫學中之不易言其為醫學流派乎醫學流派者所以區別一代醫學家之類似也而清代著名醫學家類似龐雜其醫派之不易言殆即因于此歟四庫全書提要醫家類云儒之門戶分于宋醫之門戶分于金元觀元好問

撰傷寒會要序知河間之學與易水之學爭觀戴良作朱  
震亨傳知丹溪之學與宣和局方之學爭是吾國醫學派  
自金元始也金元劉張朱李四大家出而醫學流派興醫  
學流派興而吾國之醫學為之一變清代諸子承明季  
金元爭競猶有餘技其宗秦漢之學說者有之宗唐宋之  
學說者有之宗金元之學說者有之宗明季及近代之學  
說者亦有之即不宗歷代之學說而獨樹一幟者亦未嘗  
不有此清代著明醫學家之類似龐雜而醫派之所以言  
之不易也說者謂清代之醫派可分為古派今派二類喻  
嘉言柯韻伯張隱庵高士宗徐靈昭陳修園黃坤載茅崇

奉岐黃折衷仲景一派也葉天氏薛生白余師愚足鞠通  
王孟英弄力闢蠶叢獨開新境今派也夫清代醫派至為  
龐雜詳析言之猶恐未備豈古派今派之說所能概括已  
哉詳論清代醫派醫學未變遷以前著名醫學家可分為  
七派焉喻嘉言生于明清更替之際著尚論篇變易傷寒  
作例矯正叔和編次一掃前代諸家註釋之舊習又著醫  
門法律發明金匱之秘旨徐忠可之金匱論註尤在經之  
金匱心典註釋俱本嘉言故嘉言成一學派也張石頑著  
張氏醫論方藥主治多本明薛己醫案張介賓景岳全書  
偏于溫補自葉天士有景岳發揮之刻陳修園有新方八

陣之砭溫補派已立于失敗之地清代宗傳溫補自石頑  
始故石頑又成一學派也柯韻伯著傷寒來蘇集傷寒論  
註論翼等書發明傷寒闡抉經義張隱庵高士宗輩頌其  
韻伯相類故韻伯又成一學派也葉天士著臨証指南等  
書治溫疫用辛寒以開閉結芳香以驅穢濁為千古治疫  
之祖同時有薛生白著醫經原旨溫熱條辨等書亦頗與  
葉氏相韻頑繼而吳鞠通著溫病條辨王孟英著溫熱經  
緯及章虛谷俞東扶諸人均宗天士之說故天士又成一  
學派也徐靈昭著蘭臺軌範難經釋醫學源流論等書  
發明素靈金匱之奧秘又著傷寒類方削除陰陽六經門

目發明傷寒真義其中如大青龍湯註云脉浮緩身不疼  
但重乍有輕時無少陰症者此湯主之灵昭則以為病情  
甚輕不應投以麻黄桂枝石羔此條必有舛誤又甘草炙  
苓湯註云傷寒汗出而渴者五苓散主之不渴者此湯主  
之灵昭則以為此汗出者乃發汗後汗出不止非傷汗自  
汗辨証詳明採掇嚴切故灵昭又成一學派也陳修園著  
灵素淺註傷寒淺註金匱淺註葦書襲取景岳隱庵輩之  
註疏隨人俯仰僅有編纂之功而無著作之力吳汪訥吳  
儀洛輩相伯仲故修園又成一學派也黃坤載著素問懸  
解灵樞懸解難經懸解傷寒懸解等書謂傷寒自王叔和



混熱病于內後又有傳經為熱直中為寒之說傷寒因以  
致亡且簡編亦多失次又謂素問靈樞難經代遠年湮文  
次均皆偽亂因創素問靈樞難經傷寒錯簡之說坤載篤  
信古人過深有食古不化之弊故坤載又成一學派也統  
觀七派嘉言派黜邪崇正韻伯飛去偽存誠天士派援古  
証今靈胎派補偏矯枉各有特長宗之者尚多石頑派執  
一失中坤載派膠柱鼓瑟各有偏陂宗之者甚少修園派  
因陋就簡而宗之者頗不乏其人斯可覘清代各醫派之  
消長矣及自醫學之遷以後又一變而為守舊維新兩大  
派守舊派以尊經闢西為主旨維新派以斥經崇西為目

的爭意見而不爭是非唐荅川鄧笠批輩遂乘此時机窈  
中西會通之美名倡嚮壁騎牆之盲說此又清代醫學流  
派之大變遷也嗟乎清代之醫派龐雜如此豈易言哉豈  
易言哉

#### 第四節

#### 西洋醫學之輸入

咸同時英人合信氏來奧著西醫論略內科新說婦嬰新  
說全作新論等書此西洋醫學輸入中國之權輿也嗣後  
美國醫學博士嘉約翰氏來廣州設博濟醫局施醫贈藥  
並附設醫塾廣招生徒當時風氣未開蜚語沸騰求治者  
尚少嘉約翰氏遂于臨症之暇繙繹醫籍以授生徒譯成

化學初階伴質窮源伴用十章割症全書炎症新論裏紮  
新法內科全書內科闡微西藥略釋眼科撮要婦科精蘊  
花柳指迷皮膚新篇衛生要旨英漢病名表等十餘種至  
是信者日多就學漸衆於西曆一千八百七十九年又擴  
張女子醫事教育加招女生計粵人從遊者先後數百人  
得卒業証書者一百五十餘人其博濟醫局前後四十五  
年在局留醫者計三萬九千四百四十餘人醫期到診者  
計七百四十萬三千四百四十餘人經其割治者計四萬  
八千九百一十八人取砂淋者一千二百八十四人尹端  
模氏譯醫理略述病理撮要兒科撮要等書亦在是時此

西洋醫學輸入中國之大略也考嘉約翰氏為美利堅之  
俄亥俄省人習醫術於片司非涅省非拉德非亞城之遞  
非森醫科大學既畢業以一千八百五十四年到廣州先  
是因美京支那傳道會聚議提出中國醫學不明解剖不  
講生理不識物理化學其治療法亦純恃藥物並無割治  
之術恒置可治之疾于死或殘廢之中致中國人口每年  
死亡之數浮于全歐吾人宜往拯救云云嗚呼吾國醫者  
因不明解剖生理物理化學等科學以致貽笑異邦寔為  
國人最痛心者也同時有名黃寬者字綽卿廣東香山人  
曾隨美人布郎至美留學四年卒業於文科大學復留學

於英國蘇格蘭之壹丁不尔厄醫科大學畢業考列名次  
第五授醫科大學博士頭銜復留英國二年咸豐六年歸  
國居廣州歷任惠愛醫館管負及香港國家醫學院院長生  
平尤精解剖學西洋醫家莫不心折謂橫覽亞西亞洲一  
時無兩嘉約翰氏設博濟醫局亦多賴其資助同治初年  
李文忠公曾延至幕府不半年遂辭去丁雨生中丞雅重  
之勸其出任終不就丁為之嘆息比之陶靖節不為五斗  
米折腰云惜無著述流傳殊為憾事此中國人留學歐洲  
習醫術之鼻祖也至新陽趙靜涵譯述儒門醫學內科理  
法西藥大成等書于是西洋醫學之輸入有一日千里之



勢焉

第五節

日本醫學之輸入

吾國自西洋醫學輸入後一般學醫者知趨重于新理療法惜譯本甚少僅有合信氏傳蘭雅氏趙靜涵氏茅所譯之二十餘種外國之新醫籍每年所出且不下數百種豈僅此區區二十餘種之陳舊醫籍所能窺其全豹歟吾師無錫丁先生有鑒于此因念日本者與我同種彼國古時之醫學亦與我國同特以革新較早進步較速已有登峰造極之勢吾國改良醫學倘假道于日本似較歐美為便也因是遂譯日本醫籍凡數十種顏曰丁氏醫學叢書此

為日本醫學輸入中國之始先生名福保字仲祐生平有  
至性篤行少自刻勵深入漢宋諸儒堂奧尤精於算學醫  
學為華若汀先生趙靜涵先生入室弟子曾任京師譯學  
館算學兼生理學教習者有年其銜述之舊籍內務部曾  
給予獎憑南洋勸業會德烈萬國衛生會羅馬衛生賽會  
均給予最優等獎憑此為吾國醫學界從來未有之幸

按先生譯述日本之醫學猶昔日本前野良澤杉田玄  
白等譯述和蘭內景齒譜桂川甫周中川淳庵源昌綱  
嶺春泰石川云常桐小正哲大槻玄澤宇田川玄隨森  
島甫齋司馬江漢等譯述和蘭之瘍醫新書和蘭局方

和蘭藥譜海上備要方和蘭藥選八刺精要五液精要內  
科選要六物新志蘭學階梯紅毛雜語等書以輸入和蘭  
醫學開創之功然當時前野杉田桂川等譯述之醫籍遠  
不及先生所譯者之衆且無如是之美備吾知後世之尚  
論者其尊崇當何如耶吳葆真氏丁氏醫學叢書序曰同  
鄉中有某君者忌仲祐甚排擊丁氏醫書最力余考日本  
醫學史西洋醫學輸入時其所繙譯各書不如丁氏書遠  
甚作史者每竭力表彰之豈日人謹學之風過于吾國之  
後進歟抑公理所在不屑以一人之私見為毛犀瑣碎之  
索癢歟丁氏已前之西醫書已有二十餘種若一一與丁

氏書互相比較則無一可與丁氏書相頡頏者丁氏書誠空前之鉅著矣吾知後世之作醫史者推論醫學界改良之鉅子舍仲祐其誰能錄此可以為吾謗之佐証陸炳琬氏近世內科全書序曰仲祐于近十年內屏棄一切研精覃思于醫學一科余屢道海上每見達官君子搢紳編戶販夫輿隸造君廬求醫者日夜肩踵不絕其治病必耳聽目驗手按指敲口詢手書分端互用委曲推勘務得其病之原因極其理之精微窮神達化而後止其即古人所謂用志不紛乃疑於神者歟余從兄炳璋身肥而陰痿精神委頓仲祐檢其尿有糖以為糖尿病禁食粥飯及含糖

之食品專食動物類服藥數月病果愈余一外甥年十二  
患全身浮腫而腎囊之腫尤甚仲祐檢其尿有蛋白以為  
急性腎藏炎命靜臥專飲牛乳用重瀉劑而愈一李氏女  
患腹痛仲祐診其兩部檢查糞便有蛭虫卵以為腹痛可  
即愈惟肺尖有水泡音及濁音肺中已有結核後當剃女  
腹痛愈後不信有肺病逾年果死于瘵一老嫗頭痛嘔吐  
壯熱仲祐診其淋巴腺檢其血液以為百斯篤命速送工  
部局傳染病醫院病家不從越日老嫗死其同居以傳染  
死者又數人於是沪上始喧傳有鼠疫葬現矣周君雪樵  
患胃病吐血全身蕪惡液質仲祐以為胃癌宜速施外科



手術舍是無治法周君不能決逾二年果死宋君康孚咳  
嗽咯血仲祐以結核素種其臂如種牛痘然越二十四小  
時皮膚現結核反應又以顯微鏡檢其痰有結核菌遂診  
斷為肺結核注射藥其內服藥並用凡四閱月而病全治  
此數者皆余所見聞而驚嘆近世醫術診斷之工未有如  
仲祐而朋輩中卓然能自樹立者亦未有如仲祐者也錄  
此可以見先生治病之要略矣葆真氏佛學叢書序曰仲  
祐性尤嗜書家藏十餘萬卷年持六籍日決百氏丹黃評  
騭午夜未休晬其裁而咀嚙其滋味者已二十餘年矣君  
在此二十年内先後所著書可分為四大部一曰醫學叢

書以臨床病理學近世內科全書為最著猶古之內難經  
及傷寒金匱也一曰文學叢書以全漢三國晉南北朝詩  
為最著堪與嚴鐵橋先生之全漢三國晉南北朝文相對  
峙即冠於全唐詩全金詩之上亦無愧色一曰進德叢書  
以少年進德錄為最著猶朱子小學而較為淺近易讀今  
則推行最廣銷數已達萬數千部矣一曰佛學叢書以佛  
學大辭典為最著猶宋之翻譯名義集而詳贍則十倍過  
之者也此四大部書其卷帙之浩繁以古人之著作仿之  
猶弇州山人之四部稿乎錄此可以見先生著作之精博  
又吳氏之佛學大辭典序曰余曩時見仲祐短小精悍如

郭翁伯敢于任事今來海上見仲祐鬚髮蒼然每飯必粥  
一盂蔬食持不殺戒終日手釋氏書與物無競坦坦去牙  
角儼然一退院老僧矣余與仲祐交最久知仲祐內行敦  
而趨人之急甚已私今歲首捐三千金在無錫創辦平民  
學校為窮而無告之民謀教育聞者響應今已集成鉅款  
矣又以藏書捐入縣立書館及設寔學校書館凡千  
餘金其即寔行佛氏之所謂布施歟近仲祐又將以萬金  
刻其所編之佛學大辭典屬余為之序吳汝恒氏八大人  
覺經箋註序曰吾友丁先生仲祐自少即具度世慈悲之  
婆心故于耽悅經史詞章之餘窮研醫理寔際救人之惠

苦者已二十年願雖每日水施治者衆多先生得暇即讀  
書精篤特至于學多所通通必造其深其著述若醫書若  
詞章算術書已刊行者雖極精博尚僅所學之一斑最近  
由文章之深妙廣徵於哲理由哲理之會通潛心于內典  
先生乃恍然曰芟芟已人之疾苦猶為末施而惟能激悟  
人之迷妄斯云大慧今之同胞衆生顛倒於四魔五欲攬  
亂世常即自身亦同陷苦惱藥之者其惟佛說歟然三藏  
奧典其蘊深秘向日衲氏箋疏務暢玄論不重訓解所以  
詞理鮮通難達經旨先生乃發願以中土詩書箋詁之法  
施于梵經並欲就漢魏古譯先加譯註重初源也錄此可

以見先生近年來由醫而釋之狀況此一二端雖不足以  
盡先生之大然海內學者即此可以觀矣

### 第六節

### 新醫派之發軔

新醫學者以研究最新穎之學理而區別中國舊時醫學  
之謂也易曰窮則變變則通通則久新醫派之發軔蓋由  
窮變而末即伊尹所謂用其新去其陳病乃不存是也嘉  
道間有王清任者寔驗屍骸數十年著醫林改錯訂正古  
書言臟腑之錯誤謂古人論脾既謂脾動不安何又云脾  
聞聲則動動則磨胃化食脾不動則食不化其論脾既謂  
下無透竅何又云脾中有二十四孔行列分布以行諸臟



之氣其論腎既謂兩腎為腎中悶動氣為命門其論肝既  
謂肝左右有兩經何又云肝居于左左脇屬肝其論心既  
謂意志思慮智五者皆藏于心何又云脾藏意智腎主技  
巧肝主謀慮胆主決斷其論胃謂飲食入胃精氣從賁門  
上輸于脾肺宣播于諸脉殊出情理之外謂小腸化食水  
自闌門出尤為千古笑談其論心包絡既謂有名無形何  
又云手中指之經乃是手厥陰心包絡之經也其論三焦  
不可以指屈有形無形尚無定準何又云手無名指之經  
乃是手厥陰心包絡之經也其論三焦不可以指屈有形  
無形尚無定準何又云手無名指之經是手少陽三焦之

經也既誤其形狀更誤其功用予頃差訛王氏為之訂正  
不少此新醫派發軔之萌芽時也及嘉約翰輩以醫術名  
於廣東趙靜涵譯述泰西醫籍西洋醫學之輸入此新醫  
派發軔之雛形時也及丁先生仲祐倡譯日本醫籍日本  
醫學遂輸入中國此新醫派之成立時也丁氏醫學叢書  
總序有言曰近世東西各國醫學之發達如萬馬之騰驤  
如百川之匯萃磅礴浩瀚駸駸乎隨大西洋之潮流渡黃  
海岸注入東亞大陸俾不才肆其雄心窮其目力運其廣  
長之舌大陳說而吸飲焉豈非愉快事哉然吾人雖如千  
手觀音向醫學中各科目悉張其神臂無一刹那頃之已

時而各學科光怪陸離之新理療法一若對萬花鏡之面  
轉循環使人應接不暇雖日寫五十言積以數年之久猶  
不足盡譯其長以供舊林之參考甚矣夫醫籍之浩博也  
嗚呼丁氏醉心歐化力闢蚕叢獨開新境不阿附前人而  
獨樹一幟輸灌新理新法可謂新醫派中之仲景矣不然  
處今日競爭之世美雨西來歐風東漸百斯篤之症傳染  
及於海隅虎列拉之名流播遍于人口倘猶是拘守舊聞  
自封故步不能闡明新理何以抵制外人窺恐優勝劣敗  
此繼彼贏非特數千年固有之利權將拱手而讓之異族  
且併四萬萬同胞之生命亦俯首而委諸他人矣嗚呼新

醫派之發軔於近世豈非吾國醫學界之榮幸歟

第七節

學派之變遷

嗚呼吾國醫學學派屢變遷矣然屢變遷而終不一變也  
唐代因佛教興醫學之關係及局方以後務便易喜溫燥  
素靈仲景之學派至唐已一變遷也及金元四大家各主  
一說河間與易水之學相爭丹溪之學與宣和局方之學  
相爭以及明代張景岳與河間丹溪相爭而唐宋時之學  
派至金元明又一變遷也及清代喻徐葉薛陳尤黃王諸  
子或阿附前人或獨開新境或融會古今或因陋就簡而  
金元明時之學派至清代又一變遷也顧未聞有能踰越

素靈仲景之範圍而獨樹一幟者故吾國醫學學派雖屢  
變遷而終未嘗一變也清代自王清任氏著醫學改錯謂  
余于藏府一事訪驗四十二年方傳的確繕成全書意欲  
刊行于世惟恐後人未見藏府疑余故叛經文欲不刊行  
復慮後世業醫者受禍相沿又不知幾千百年細思黃帝  
慮生民疾苦平素以靈樞之言下問岐伯鬼臾區故名素  
問二公如知知的確可對君言知之不確須待參考何得  
不知妄對遺禍後世繼而秦越人著難經張世賢割裂河  
圖各書為之圖註謂心肝脾以分兩計之每件重幾許大  
小腸以尺丈計之每件長若干胃大幾許容穀幾斗幾升



其言髣髴似真其寔藏府未見以無憑之談作欺人之事  
利口不過虛名損人却屬寔禍竊財猶謂之盜偷名豈不  
為賊千百年後豈無知者嗚呼王氏此說發現非特為清  
代醫學派之變遷抑且為吾國數千年來未有之奇變遷  
也王氏生於嘉道間而成同光宣時西洋醫學日本醫學  
又相繼輸入儼然成新醫派故清代道咸後之醫派較諸  
以前之醫派又不可同日論矣近所分為守舊派與維新  
派者守舊派以揚中抑西為主旨維新派以舍舊從新為  
目的在守舊派輒自詡為純正而詆維新派為浮夸在維  
新派輒自詡為開通而詆守舊派為頑固意見相爭各是

其所謂是各非其所謂非殆即因學派之變遷而未暇雖  
 然新舊意見日深文証日益劇烈中西是非得失天演公  
 例難逃清代醫學派之變遷又安知非吾國改良醫學之  
 趣點也哉

第八節

疾病史

第一

傳染病

沿門闔境人人俱病如徭役之役者曰疫病(疫病古人謂  
 四時不正之氣即為虛邪賊風人人俾內有從口鼻毛竅  
 等侵入之說自疫病之意義考之不外今日之所謂傳染  
 病)

傳染病之大研究其緒言有言曰傳染病自古有此病請  
以吾國之舊籍徵之說文疫民皆疾也釋名疫役也言有  
鬼行役也論語言鄉人讎注讎所以逐疫周禮遂令始難  
難與難通歐疫注疫癘鬼也玉篇癘疫氣也與病同左氏  
哀元年傳天有災癘注癘疾疫也公羊傳莊二十年大災  
者何大瘡也大瘡者何病也注民疾疫也古經傳之所謂  
疫即其病近之傳染病後漢順帝紀曰上干天和疫癘為  
災魏文帝與王郎書曰疫癘數起士人彫落又其吳愷書  
曰昔年疾疫親故多罹其災徐陳應劉一時俱逝陳思王  
集說疫氣曰建安二十二年癘氣流行家家有僵尸之痛

室室有號泣之哀或闔門而殮或突族而喪或以為疫者  
鬼神所作人罹此者悉被褐茹藿之子荆室蓬戶之人耳  
若夫殿處鼎食之家重貂累蓐之門若是者鮮焉此乃陰  
陽失位寒暑錯時是故生疫而愚民懸符厭之亦可笑也  
後漢張仲景序傷寒論曰余宗族素多向餘二百建安紀  
元以來猶未十年其死亡三分有二傷寒寔居其七吾曹  
處千載後懸想當時傳染病之流行其事至可慘也古人  
以神鬼為傳染病之原因故儼以逐之今則各種病原菌  
已發明故傳染病之預防法愈形確寔觀此可以知傳染  
之意義古時即有之而傳染病之真確原因及防免方法

寔自丁仲祐先生倡始也古時之所謂虛邪賊風其學說  
尚未發明至近世醫學日益進步乃知病之所以能傳染  
者在於病毒病毒者即所以致病之微生物也一作細菌  
式作徵菌

之菌之入血其發病各隨其部位而異茲列之於左

甲病候現於皮膚者 天痘假痘水痘麻疹輕症麻疹

猩紅熱粟粒熱發疹室扶斯

乙專侵腸管者 痢疾霍亂傷寒

丙着於呼吸器者 爛喉痧痘咳流行性感冒

丁侵神經系者 腦脊髓膜炎脚氣



戊侵血脉系者 鼠疫

已無一定之占地者 瘧疾再歸熱發黃熱

庚自腐敗毒而來者 穢毒熱產褥熱敗血病裔敗性

丹毒

辛自獸之毒而來者 馬病脾脫疽狂犬病

壬為特異性由不潔之交接而感受者 梅毒淋病下

疳

一 鼠疫

鼠疫西洋自古有之舊譯作黑瘟疫又名黑眼瘟又作配  
斯脫博篤會譯作榻疫日本譯作百斯篤又名黑斯病又

原书缺页

原书缺页

名核疫瘟吾國舊時有癩子痒子核子瘟疣疫等名皆鼠  
疫之類也鼠疫盛行於外國之歷史茲不贅述述洪俞筆  
記二則可以見吾國舊時已有此症矣

洪稚存北江詩話曰趙州師道南今望江令師範之子也  
生有異才年未三十卒其遺詩名夫愚集頗有新意五言  
如海霞明雁路松日淡僧衣一庭如野闊雙鶴並人長均  
像未經人道者明趙州有怪鼠白日入人家即伏地嘔血  
死人染其氣亦無不立殞者道南賦鼠死行一篇奇險怪  
偉為集中之冠不數日道南亦以怪鼠死奇矣

按師道南乾隆時人乾隆壬子癸丑以表鶴慶賓川城

鄉居民每見鼠向人跳跳罷立死人遂生赤瘁子或吐  
血痰蓬是疾者死且速醫藥罔效亦奇事也既而趙州  
之白崖弥渡皆然道南甫作鼠死行歌亦以是疾死哀  
哉其所作之鼠死行曰東死鼠西死鼠人見死鼠如見  
虎鼠死不幾日人死如圻堵晝死人莫問數日色慘淡  
愁雲護三人行未十步多忽死兩人橫截路夜死人不  
敢哭疫鬼吐氣炉搖綠頭哭風起炉忽無人鬼尸棺暗  
同屋烏啼不断犬泣時聞人含鬼色鬼奪人神白日逢  
人多是鬼黃昏遇鬼反疑人人死滿地人煙倒人骨漸  
被風吹老田禾無人收官租向誰考我欲騎天龍上天



府呼天公乞天母灑天漿散天乳酥透九原十丈土地  
下人人都活歸黃泉化作田春雨觀此詩可以知吾國  
鼠疫之傳染在乾隆間其蔓延酷烈已有燎原之勢矣  
俞曲園筆記曰同治之初滇中大亂賊所到之處殺人如  
麻白骨飛野通都大邑悉成墟墟亂定之後孑遺之民稍  
稍復集掃除腐酪經營苦蓋時則又有大疫疫之將作其  
家之鼠無故自斃或在牆壁中或在承塵上人不及見久  
而腐爛人聞其臭鮮不疾苦病皆驟然而起身上先墳起  
一小塊堅硬如石頂色微紅捫之極痛旋身熱譁語或逾  
日死或即日死諸醫束手不能處方有以刀割去之者然

此處甫割彼處復起其得活者十百中一二而已疫起鄉  
間延及城市一家有病者則其左右十數家即遷移避之  
踣於道者無算然卒不能免也甚至闔門同盡比戶皆空  
小村聚中絕無人跡老子云師之所處荆棘生焉信矣馬  
星五觀察駟良雲南人為余說如此蓋其所親見也

中外舊通曰光緒二十年鼠疫曾發現於香港後即釀成  
疫癘流行於世界至二十四年核子瘟寄寓亞洲年內復  
傳至非洲逾年徧傳歐美各洲市埠雖經若干國政府施  
行防禦之方略然疫勢依舊纏綿根株未絕至三十三年  
統計全球罹疫死者有一非二十萬人之數自二十年盛

傳於中國各埠如福建福州廈門廣東開平廣州香港汕頭膠州湖南唐山雞籠東溝新疆牛莊北海平州蒙古等處無處無之雖在二十年時僅有一國養生疫症近則徧染五十一國為傳染病之最烈者也

傳染病之警告曰宣統二年冬百斯篤發現於上海幸防之甚嚴未大流行而哈爾濱奉天等處忽有百斯篤侵入勢甚猖獗吾民每謂古無此症甚有疑為誕妄者按是即清民政部因鼠疫猖獗組織臨時防疫事務局時也

二 傷寒(溫病)溫疫腸室扶斯

吾國自唐以上之醫書謂之傷寒者包括中風傷寒濕溫

熱病之總稱素問陰陽應象大論曰冬傷於寒春必病溫  
又熱論篇曰今夫熱病者皆傷寒之類也難經第五十八  
難曰傷寒有五有中風有傷寒有濕溫有熱病有溫病其  
所苦各不同傷寒論曰太陽病發熱而渴不惡寒者為溫  
病是古時已有溫病之說隸於傷寒而未能詳闡其義也  
清代詳論溫病溫疫者甚多茲擇要記之  
喻嘉言曰濕溫一証即癘疫癘在內一人受之則為濕溫  
一方受之則為疫癘此即仲聖所云清濁互中之邪也又  
曰傷寒之邪自表傳裡溫熱之邪自裡達表疫癘之邪自  
陽明中道隨表裡虛寔而發不循經絡傳次也

葉天士曰瘦癯穢邪口鼻吸受分布三焦瀦漫神識既非  
風寒客邪亦非傳導裡証故發散消導即犯劫津之戒宜  
以辛寒清血絡而防閉結芳香解疫毒而驅穢濁使九日  
外不致昏憤冀其邪去正復云  
吳鞠通溫病條辨曰溫病者有風溫有濕熱有溫疫有溫  
毒有暑溫有濕溫有秋燥有冬溫有溫瘧

王孟英曰余纂溫熱經緯一書詳辨溫熱暑濕之異於正  
傷寒因古人但以寒為肅殺之氣而於暑熱甚畧也然嚴  
寒易禦酷暑難消熱地如炒傷人最速按徐石山柳崖外  
編云乾隆甲子五六月間都城大暑冰至五百文一觔熱



死者無算九門出櫬日至十餘又余師愚疫疹一得云乾隆戊子丙午壬子癸丑等年暑疫流行率用大劑石羔救全不少紀文達公云乾隆癸丑京師大疫以景岳法治者多死以又可法治者亦不驗馮星寔姬人呼吸將絕桐城醫士投大劑石羔藥應手而痊踵其法者活人無算

自西洋及日本醫學輸入以後謂傷寒之原因由于窒扶斯桿菌而未舊譯作吐腸熱症又名小腸壞熱症又名泰裴士熱博醫會譯作癥症又名腸熱症日本譯作腸窒扶斯英醫合信氏曰中國稱有毒為溫疫丁仲祐先生譯著近世內科全書就傷寒與腸窒扶斯症候會通而言之曰

輕症陽室扶斯即太陽病也若變為重症其熱為稽留狀  
或紅末間歇者即轉少陽也病重者其熱稽留而不往來  
即陽明症也若合併胆液熱腸胃熱者即少陽病胸脇苦  
滿或太陰病腹滿是也遷延神經熱即少陰病也劇蒸神  
經病即陰陽疑似之症也

三 霍亂

霍亂即霍然而亂之謂吾國每值夏秋之際無歲無之在  
萬病回春謂之溫霍亂兎狼病在瘟疫論謂之瓜瓠瘟在  
張氏醫通謂之番痧在醫林改錯謂之瘟毒痢近時謂之  
霍亂轉筋吊脚痧癘螺痧自西洋醫學輸入譯作亞細亞

者  
史  
七  
三  
中  
醫  
學  
完  
十

霍亂一名真霍亂一名霍亂吐瀉又名疢腸疢博醫會譯  
作癘又作亞細亞癘又作癘亂症自日本醫學輸入譯作  
虎列拉又作亞細亞虎列拉此病流行於乾隆嘉慶之際  
近世則以光緒壬寅為最盛云

四 痢病

吾國素問靈樞難經等書關於痢疾之學說甚多靈樞曰  
春傷於風夏生後泄腸澼素問有腸澼下白淋腸澼下膿  
血腸澼便血等語難經有大瘕泄者裡急後重屢上桶而  
不能便大腸泄者食已窘迫大便食白腸鳴初痛小腸泄  
者澀而便膿血少腹痛之說曰腸澼曰大瘕泄者蓋皆痢

疾之症也迨隋唐以下曰滯下又或曰便膿血傷寒論謂  
之下利金匱則其泄瀉下痢混淆故後世稱之曰痢疾  
痢疾之異名甚多除滯下腸澼大瘕泄之外如范汪方則  
為之天行痢病源候論則謂之休息痢休息氣痢休息下  
千金方則謂之久痢病源候論又謂之熱痢水穀痢赤白  
痢血白痢血痢膿血痢冷痢魚腦痢千金方則謂之熱毒  
痢仁齋直指則謂之氣痢赤水玄珠則謂之疫毒痢本草  
綱目則謂之瘴痢三因方則謂之風痢秘方集驗則謂之  
疫痢禁痢等或依其原因或依其証候而命名  
西洋醫學輸入亦譯作痢疾博醫會譯作瘧痢症日本醫

學輸入譯作赤痢此症及類似此症者西洋太古時已有之赤痢之名始于歇撲克拉斯氏也

五 瘧疾

瘧酷虐也玉案曰瘧者殘虐之意字從病從虐說文曰瘧寒熱休作也古名疟又名瘧說文曰瘧熱瘧也瘧二日一瘧瘧也或曰寒熱病又曰脾寒病俗名瘧瘧子南名打擺子素問曰先寒後熱者名曰寒瘧蓋此症瘧隔日者曰間日瘧一名瘧瘧即新醫學所謂隔日熱是也古書有風瘧温瘧瘧瘧寒瘧温瘧瘧母痢痢種種之名醫學入門所載老瘧謂頑固經久難治者也病源候論所謂勞瘧即勞復



之義謂瘧之再復也西洋醫學輸入譯作瘧熱又作瘧氣  
博醫會譯作瘧熱症又名瘧症日本醫學輸入譯作麻拉  
利亞孢子虫侵入赤血球之中而起此孢子虫乃由泥沼  
中之蚊虫而傳染也

六 天痘 水痘 附牛痘考

痘者疱瘡也一名屬瘡擊虜所得也或曰聖瘡言其變化  
無測也或曰天瘡言為天行疫癘也或曰百歲瘡言自少  
至老必出一次也或曰豌豆瘡言其形相似也西洋醫學  
輸入譯作痘熱症博醫會譯作痘症日本醫學輸入譯作  
痘瘡又作天然痘此病之起源雖未甚明確後漢馬援征

武陵蠻士卒皆患瘡此為溫觸按後漢書不載此事外臺  
秘要引肘後方曰比歲有病茲斑瘡頭面及身項與周匝  
狀如火瘡皆帶白漿劇者數日必死此惡毒之氣也世云  
以建武中南陽擊虜所得仍呼為虜瘡後人誤認肘後方  
中所云之建武以為東漢之建武也按肘後方為東晉葛  
洪所撰葛云比歲有病則痘之起源於東晉也必矣  
水痘舊譯作水痘熱症又有風痘石痘等名張氏醫通曰  
水痘色淡漿稀故曰水痘  
牛痘未行於中國之前吾國防痘之法乃取天痘痂塞鼻  
或破外皮採痘漿沾接稱之曰苗痘醫宗金鑑言種痘之

法大別有四有取痘粒之漿而種之者曰漿苗有服痘兒  
之衣而種之者曰衣苗有以痘痂屑乾吹入鼻中種之者  
曰旱苗有以痘痂屑濕納入鼻孔種之者曰水苗四者之  
中水苗為上旱苗次之痘衣不應驗痘漿太殘忍古法獨  
用水苗近世始用旱苗云又云種痘之法起于江右達于  
京畿究其起源為宋真宗時峨嵋山有神人出為丞相王  
旦之子種痘而愈其法遂傳於世此為吾國固有之種痘  
史也乾隆三十五年至四十五年間英人占那氏出乃蘇  
明牛痘之法初得之於村婦云染牛痘者不出天花乃編  
訪諸蓄牛家均同此說於是注意研究此事又越十六年

至嘉慶元年有女子因牝牛之乳曾染牛痘於其手占那  
氏乃假其痘漿種於他嬰兒臂上不數年間種牛痘法遂  
徧傳歐亞矣嘉慶十年英商多林文携牛痘種由小呂宋  
至澳門南海邱浩川先試種之遂習其術此吾國布種牛  
痘之始也阮文達贈邱氏詩有云若把此丹傳各省稍將  
兒壽補人年牛痘之傳各省雖不能悉其年月然據邱  
氏所著引痘略各叙可稍知其梗概奧之乳源與湖南宜  
章相比鄰先是乳源有鸞鳳池者得牛痘術以道光七年  
輸入宜章明年曾望顏以牛痘種于京師十一年正月顏  
叙功聘痘師種于閩道光甲午江南大痘京江醫者包祥

麟乃赴楚購牛痘苗十六年分種於蘇皖各地二十年江  
西劉子望由新昌挾其術至省之奉新未幾蜀人陳北崖  
亦習其術入蜀布種此牛痘徧傳各省之大略也自牛痘  
術傳徧各地而吾國曩時苗痘之法已漸次歸于天演洵  
汰矣

七

痧疹 猩紅熱 麻疹 風疹

吾國舊醫學書籍痧疹多併論葉天士曰吳音為痧浙音  
為暗北音為疹為丹可見痧疹學說每相混者不易剖析  
自西洋及日本醫學輸入分為猩紅熱麻疹風疹猩紅熱  
即痧夫疹之類也麻疹即疹夫麻之類也風疹即疹之輕



性者風疹姑不論茲就猩紅熱及麻疹述之

猩紅熱一名疫毒痧又名痧子又名丹痧又名細小痧古

時又有隱疹赤痧小疹風疹風瘡等名舊譯作疹子熱症

又作花紅熱症博醫會譯作紅熱症又作痧症譯作猩紅

熱者日本名称也

麻疹之名自古有之保赤全書云古謂麻即疹也疹出如

麻成采傷寒論謂之癘疹金匱謂之陽毒証治準繩曰北

人謂之糠瘡南人謂之越瘡吳人謂之瘡張氏醫通曰麻

即疹也疹軫也出軫軫然生如芥子麻又曰麻疹手足太

陰陽明二經蘊熱所發是亦時氣傳染之類也又有麻子

赤疹赤斑瘡正疹子膚疹騷疹等名西洋醫學輸入譯作  
疱狀血斑狀瘡合麻疹又作麻子熱症博箇會譯作疹熱  
症又名疹症又名麻熱症茲將清代關於痧疹併論之學  
說擇要記錄于左以供參考焉

王晉三曰痧癘初發以肺經藥主之風濕雖分逐年歲氣  
雜至要皆輕清之邪或從口鼻或從三焦四時皆有惟春  
為甚

葉天士曰方書謂足陽明胃痧如雲密布或大顆如痘但  
無根盤手太陰肺疹但有點粒無片疔者是也又曰幼科  
方書歌括有言赤疹遇清涼而稍白疹王孟英云白疹即

白瘡得溫煖而解

余師愚曰乾隆戊子年吾邑疫疹流行先惡寒後發熱頭  
疼腰疼腹疼嘔瀉兼作大小同病萬人一輒有作三陽治  
者有作兩感治者有作霍亂治者迨至兩日惡候蜂起危  
証難以枚舉如此死者不可勝計良由醫者固執古方之  
所致也又曰疹色淡紅而活榮而能潤是為佳境深紅較  
重于淡紅血熱也色艷如髓脂較深紅而更惡血熱極也  
色紫赤如鷄冠花而更艷紅而火轉盛不急服清涼解毒  
必致變黑云云

吳鞠通曰太陰溫病不可發汗發汗而不出者必發斑疹

八 蕪疹室扶斯

蕪疹室扶斯日本譯名也又名飢饉熱又有戰時室扶斯  
飢饉室扶斯等名舊譯作瘟疫蕪疹博醫會譯作瘟熱症  
又名瘟症金匱方論之陽毒瘟疫論之瘟疫似即此病耶  
新甫言斑者有觸目之色而無礙手之質即稠如錦紋稀  
如蚊蚋之象也或布于胸腹或見于四肢總以鮮紅起蕪  
者為輕色紫成片者為重色黑者為凶色黑而潤者可治  
色青者為不治耶氏之所言者殆即蕪疹室扶斯之一類

數

九 白喉爛喉痧

醫史

七九

中醫學史

六



曰喉即古之所謂鎖喉風馬脾風之類舊譯作時疫白喉  
博醫會譯作疔症又名假皮症日本譯作寔扶的里蓋此  
為各國所通用之名也此症常與疔症併發故名爛喉疔  
又名爛喉疔疔吳鞠通論溫毒喉痛則曰溫毒者移濁也  
咽喉為害溫毒上攻所致李純修謂爛喉疔古無是証今  
則有之太陰陽明風濕熱毒上攻咽喉則齋爛唐迎川吳  
醫彙講謂近來爛喉疔一症患者甚多而死者亦復不  
少爛喉丹疔輯錄謂雍正癸丑年間以來有爛喉丹疔一  
症發于春冬之際不分老幼偏相傳染王守三論爛喉疔  
痧謂此症方書未載雖金匱有陽毒之文叔和著溫毒之



說究未能詳闡其義痧喉之痰疫氣徧行一門傳染相繼  
云亡顧王峯著痧喉經驗闡解謂近來蘇杭痧喉一症日  
甚一日且多殞命王孟英治段婦喉痧喉腫白腐甚苦者  
糜骨瘦如柴肌共如烙軟痰阻于咽喉不能嚥吐又治吳  
兒痰熱咽痛有誤投升透藥者赤斑似錦喉爛如楚半月  
之間闔家傳染斯可覘白喉一症始于清代而傳染慘烈  
也

十 脚氣

脚氣自隋唐時區別為二種其有腫者為濕脚氣無腫者  
為乾脚氣玄珠曰古無脚氣之說內經名厥宋齊後始名

脚氣千野方曰脚氣者黃帝之緩風濕痺也又曰頑弱名  
緩風疼痛名濕痺醫學細目曰脚氣頑麻腫痛為痺厥足  
痿軟不收為痿厥脚氣衝心為厥逆自西洋醫學輸入譯  
作風毒博醫會譯作瘴日本亦名脚氣又名倍里倍里亦  
傳染病之一種丁仲祐先生脚氣病因及治法後序有  
言曰脚氣者因食物而起之一種特別中毒也吾國之廣  
東上海與日本流行最盛其症狀大抵先現于脚部故名  
脚氣其原因諸說紛紜今日尚未確定云

第二

呼吸氣病

一 感冒

第四 心臟病 心臟瓣膜病 胸紋症

素問曰心者五藏六府之大生也精神之所舍也其藏堅固邪弗能容也容之則心傷心傷則神去神去則死矣又曰心藏脉脉舍心神心脉經曰心病其色赤心痛短氣手掌炕熱或啼笑罵詈悲思愁憲面赤身熱其脉寔大而數此為可治又曰心病煩悶小氣大熱熱上透心嘔吐咳逆狂語汗出如珠身作厥冷為大逆十死不治此皆迷從心藏之疾病所呈之精神症狀也

宋以後關於心藏之解剖學及生理學之知識較前進步其病理學上之知識遂與內經之說有所區異故論心藏

病有虛寔之區別其論心寔者謂心寔則生熱熱則陽氣  
盛陽盛則衛氣不行榮氣不通遂令熱毒稽留心神煩亂  
面赤身熱口舌生瘡咽喉頭痛喜笑恐悸手心熱滿汗出  
衄血其脉洪寔相搏者是其候也其論心虛者謂心虛則  
生寒寒則陰氣盛陰盛則血脉虛少而多恐懼情緒不樂  
心腹暴痛時唾清涎心膈脹滿好忘多驚夢寐飛揚精神  
離散其脉浮而虛者是其候也云

自西洋及日本醫學輸入後心藏病之知識日益進步傷  
寒論曰心動悸怔忡結代者灸甘草湯主之按即心藏瓣膜  
病也昔時之所謂真心痛厥心痛者按即心藏筋肉炎等

所藏之胸紋症也

第五

泌尿器病

一

腎藏病

吾國于腎藏病之範圍甚廣以腎藏為元氣之所繫其中若肺癆遺精陰痿疝痛腰痛肺痛諸症均濕滯于內及考近世之解剖學及生理學始知腎臟之病症僅關於小便之分泌及障礙而已

二

膀胱病

病源候論曰膀胱象水腎之府也五穀五味之津液悉歸于膀胱氣化分入血脉以成骨髓也而津液之餘者入胞



則為小便其氣盛為有餘則病熱胞瀉小便不通小腹偏  
腫痛是謂膀胱氣之寔也膀胱氣不足則寒氣客之胞滑  
小便數而多也面色黑是膀胱氣之虛也按此說係以膀  
胱為泌尿器其氣盛則小便通其氣不足則尿利頻數昔  
時我國之醫書於尿之疾病約分濁症淋症遺溺及小便  
多小便閉之數種

濁症者小便溷濁之謂昔之所謂白濁似即膀胱加卷兒  
也

淋症後世稱為淋疾素問曰癰疔疔曰癰靈樞曰閉癰宣明五氣篇  
曰膀胱不利為癰疔張仲景始名淋因素問六元正紀大

感冒或曰傷風或曰冒風皆同病異名也孟子有寒疾不  
可以風亦即感冒晉通曰傷風則人迎浮大咳嗽自汗鼻  
流清涕痰涎從口中嗽出痰散則愈入門曰冒風者惡風  
多屬肺肺主皮毛通膀胱最易感冒即咳嗽惡風鼻塞声  
重噴嚏是也西洋醫學輸入博蓄會譯作急驟鼻急如炎  
鼻疾如炎等名日本醫學輸入因感冒必先鼻塞流涕遂  
譯名為鼻加答兒

二 咳嗽

咳嗽一名呬嗽病源曰呬嗽者咳嗽也呬玉篇吸呬也即  
引息也丹臺玉案曰有声無痰謂之咳有痰無声謂之嗽

有聲有痰謂之咳嗽西洋醫學輸入譯作氣管炎一作肺  
 氣管內皮炎博醫會譯作氣管炎分急炎痰炎臭炎多  
 種日本醫學輸入譯作氣管枝加答兒蓋皆因咳嗽雖原  
 因有種種要不外氣管受刺戟也

三

哮喘

喘息之名始于靈素古今通名也周禮金匱謂之上氣又  
 有喘急哨氣病喘促痰喘咆哮等名西洋醫學輸入譯作  
 氣喘又名微絲氣管閉縮而喘博醫會譯作癆症又名氣  
 管哮喘日本醫學輸入譯作氣管枝喘息

四

肺癆

肺癆之症傳與最劇古有勞瘵虛勞傳屍勞等名素問曰  
此名寒熱病勞也為吾國肺癆病之濫觴虛勞之名始于  
全匱然其義與今之肺癆不同謂腎虛也又有瘵勞風勞  
蓐勞等名蓋皆據其誘因而定名也此外有傳症勞症傳  
尸勞等名蓋以兄弟姊妹血族皆罹此病而名者也更  
有因症狀而定名者如因勞而發熱者曰勞熱入暮而發熱  
甚者曰骨蒸因勞而咳者曰勞咳名稱雖多而從未有能  
述及真正之原因者自日本醫學輸入始知肺癆病由一  
種結核桿菌而起此種細菌都存于患肺病之喀核中若  
入于尋常人之肺內病即應之而起故肺病為傳染病一

名師結核博蓄會譯作肺癆症近世肺癆病甚多自丁仲  
祐先生倡天然療法之說而曩時之常說為之一變

五 肋膜炎

肋膜炎即昔之脇痛也脇痛之病出于內經以下諸書謂  
暴怒傷觸悲哀氣結飲食過度冷熱失調顛仆傷形皆為  
其原因又有痰積流注與血相搏致痛之說清沈金鰲著  
沈氏尊生採諸家所說參互折衷論胸脇肋痛其原因大  
別有五一日氣滯由大怒氣逆或謀慮不決皆令肝火動  
甚以致胸脇肋痛一日死血由惡血停留于肝居于脇下  
以致胸脇肋痛按之則痛益甚一日痰飲由痰飲留注于



厥陰之經以致胸脇肋痛則咳嗽氣息一曰食積由食  
停脇下有一條扛起以致胸脇肋痛一曰風寒由外感風  
寒之邪留着脇下以致胸脇肋痛此五者皆足致痛而惟  
怒氣疝血居多也至胸脇肋地分本近一處故其為病亦  
不必細分何部僅以脇痛概之云按脇痛即指單純性肋  
膜炎其疾結痛或即指肺炎之一類是也舊譯肋膜炎作  
肺胞膜炎又名肺炎博普會譯作胸純膜炎

六 胸水

疾病中自古有飲証之名脉經曰夫飲有四何謂也有痰  
飲一云留飲有懸飲有溢飲有支飲問曰四飲何以為異

師曰其人素盛今瘦水赴腸間漉漉有聲謂之淡飲飲後  
水留脇下咳唾引痛謂之懸飲飲水流行歸于四肢當汗  
出而不汗出身體疼重謂之溢飲咳逆倚息短氣不得臥  
其形如腫謂之支飲金匱方論曰久咳其脈虛者必苦冒  
其人本有支飲在胸中故也考飲証之停留水氣其支飲  
及懸飲蓋即指胸水而言也

第三 消化氣病

一 食道狹窄

內經有膈症病源候論有噎症其噎云者飲食窒塞于咽  
喉之謂也其膈云者飲食窒塞于胸內之謂也隋唐時有

五噎五膈之區別後世之醫書多混掇噎膈為同一之症  
按其症候即食道狹窄多發于五十歲以上之老人其最  
多之原因為食道癌腫

二 食道症事

萬病回春謂梅核氣吐不出嚥不下按即食道症事也

三 傷食

飲食不攝能致腸胃之障礙上古已知之矣靈樞云飲食  
自倍腸胃乃傷病源候論謂宿食不消致食傷飽諸症按  
後世諸書其傷食一門即博醫會譯作胃急矣舊譯作胃  
新矣日本譯作胃加答兒症也

四

留飲 淡飲

留飲之名始于金匱隋唐之醫書皆揭載之後世有停飲  
水飲等稱其症概為慢性胃如答兒也留飲之一種云淡  
飲者病源候論謂淡飲者由氣味閉塞津液不通水飲氣  
停在胸府結而成痰又其人素盛今瘦水走腸間漉漉有  
聲謂之痰飲其為病也胸脇脹滿水谷不消結在腹內兩  
助水入腸胃動作有聲身體重多唾短氣好眠胸背痛甚  
則上氣咳逆倚息短氣不得臥其形如腫云依所見症候  
乃因慢性胃如答兒而成胃擴張也

五

鼓脹及腹水



鼓脹之名出于素問一稱氣脹千金方揭稱虫脹唐以後  
名稱複雜要皆以脹滿為總稱也凡腹滿皆云鼓脹脹滿  
之狀形大如鼓故鼓脹與脹滿同為一症其內有水脹氣  
脹之別靈樞水脹篇之症似即腹水之症也

六 胃擴張

金匱曰脾傷則不磨暮食朝吐宿穀不化名曰胃反千金  
方名反胃依胃反之証候考之即新說之胃擴張症也

七 泄瀉

素問云泄後世或云戎宋以後謂之泄瀉俗稱水瀉即新  
說之所謂腸炎腸加答兒是也



八 腹膜炎

素問云衝疝骨空論云此病從小腹上衝心而痛不得前後為衝疝又曰卒心痛暴脹似即指腹膜炎而言也  
關格之名見病源候論時後方云風寒冷氣入腹忽痛堅急如吹狀大小便不通或小腹有氣結如升大脹起名為關格病是乃記卒暴之病以大小便不通為主徵也沈金鰲云關格即內經三焦約病也約者不行之謂謂三焦之氣不得通行也惟三焦之氣不行故上而吐逆曰格下而不得大小便曰關是乃記吐逆與大小便不通為主要徵候依關格之病症考之是即腸管閉塞而起之腹膜炎也

原书缺页

原书缺页

論曰小便黃赤甚則淋也病源候論有石淋勞淋血淋氣  
淋熱淋之區別宋以後更有沙石淋濕淋暑淋白淋虛淋  
冷淋急淋等諸症名目雖多要皆為膀胱炎等之小便淋  
瀝症也

遺溺之症出于素問宣明五氣篇曰膀胱不約為遺溺後  
世亦多有論及之者蓋即為神經疾患所見之失禁症也

第六

神經系病

一

腦出血 舊名中風

中風一症為吾國古時所極注重者古來醫籍之雜症門  
中風輒列卷首蓋宗內經風為百病之長一語也有真中

原书缺页



原书缺页

類中中藏中存中經中絡中氣中血中痰之別其論病理  
素問金匱則主于風劉河間則主于火李東垣則主于氣  
虛朱丹溪則主于濕熱衆說紛紛莫衷一是至西洋及日  
本醫學輸入謂中風為腦出血乃腦中之血管開裂血壓  
腦髓即見頭痛昏跌周身抽掣口眼喎斜等症以新舊之  
意義考之經曰風懿金匱曰邪入于府即不識人邪入于  
藏舌強而口吐涎沫此即肺藏之神經失其功用也經曰  
風痲金匱曰邪在于絡肌膏不仁邪在于經即重不勝此  
即神經失知覺之功用也

二

癩癩

千金方曰大人為癩小兒則為癩巢氏曰癩者小兒病也  
十歲以上為癩十歲以下為癩宋以後則區別為癩狂癩  
三症謂癩者心血不足也又曰癩者喜笑不常顛倒錯亂  
之謂也狂者痰火寔盛也又曰狂者狂亂而無正定也癩  
病者卒時暈倒身軟咬牙吐涎沫不省人事隨後醒按其  
証候癩即精神病之靜者狂者即精神病之躁者癩即神  
經病之總稱者也

第七

新陳代謝病

一

糖尿病舊名消渴病

金匱曰男子消渴小便反多飲一斗小便一斗腎氣丸主

之按消渴病即糖尿病尿中有糖分故也醫賸載王世懋  
一酉委譚之軼事可以為消渴病尿中含糖分之佐証其  
書云閱參政王懋德自延平歸忽瘦甚鬚髮皆枯云乃消  
渴症百藥罔效先是延平一鄉官潛謂人曰王公病曾有  
嘗其溺否有此患者其溺甚甜此不治驗也王後聞之初  
試微甜已而漸濃愈益甜王亦自知不越乃曰消渴病聞  
之溺甜則未之聞也云云是可為消渴病即糖尿病之確  
徵矣

第八

皮霄病

丁氏譯皮膚病學序曰吾國之有皮膚病由來舊矣論語

伯牛有疾先儒以為癩孟子曰孔子于衛主癩疽荀子曰  
手足胼胝莊子曰瘰疽疥癩漢書項籍傳曰疽瘰背死文  
選西京賦曰所惡成瘡疔薛註瘡疔謂癩痕也為袁紹檄  
豫州曰操贅聞遺醜註疣贅假肉也此皆皮膚病之見于  
經傳者釋名曰癩瘰也又曰膿醜也汁醜厚也說文曰膿  
種立也皴皮細起也瘍頭瘡也疔疥也疣贅也瘰小腫也  
廣雅釋詁曰瘰癧也一切經音義曰瘰禿也十八引蒼頡  
篇瘰瘡病也春莖者謂之蠆瘰秋莖者謂之雁瘰十四引  
集韻瘰癧小腫也二十五引字畧瘰癧肉也七引声類肉  
凸曰瘰十八引通俗文皮起曰瘰十四引通俗文瘰疥也



(十五引蒼頡)癩痕也(三引蒼頡)手足坼裂曰皸(十一引通  
俗上)凡此皆可為古時有皮膏病之確証云觀此論可以  
知皮膏病史之概畧矣

醫學史終